

元史譯文證補

定宗憲宗本紀補異

皆本多桑

元史譯文證補二

兵部左侍郎總理各國事務衙門行走加三級臣洪鈞撰

當太宗之崩也皇后脫列哥那稱制

元史表太宗皇后五人妃一人脫列哥那六皇后為乃馬真氏壽國凡四年又有禿

納吉納六皇后元祕史太祖以兀都亦惕蔑兒乞部長脫黑脫阿之子忽都的妻朵列格捏與了幹歌歹西書則云烏虎思蔑兒乞部長帶兒哈孫之妃與祕史異烏虎思即兀注思見祕史西書又稱其名曰土拉起納與禿納古納音尤類而史表又皆稱為六皇后是否重出不無疑實任阿西書謂太宗七子五為后以合丹滅里妃孺所生三史表性載裏訖納妃子為派里之母

不都拉蠻主財賦撲買諸路稅課

太宗本紀耶律楚材傳皆作與都刺合蠻其撲買亦先見太宗本紀蓋西書之重言也

喜鎮海罷其相位

西書謂鎮海為相兼紀太宗直行如起居注之類

西域婦法特瑪徒思人太祖

西征自徒思掠至和林后寵愛之太宗舊人黜者大半或謂皆法

特瑪進讒之故親王幹赤斤忽以兵至人心震駭幹赤斤有子隨

太宗居和林后亟迨往究詰其時西北軍凱旋定宗已至葉密爾

河幹赤斤聞之乃曰吾來視喪非有他也遂引兵歸

此事無可徵考惟元史耶律楚材傳

三朝廷用兵事起倉卒后令授甲退腹心至欲西遷以避之楚材曰朝廷天下根本根本一搖天下將亂臣觀天道必無患也後數日乃定或即此事幹赤斤封於東方后欲西遷以避情事頗合

楚材傳在癸卯夏止西北軍還之時時序亦合元史類編定宗本紀云議立帝久不決諸王將謀亂會雷雨大作帳水深數尺遂各散去或即癸卯之事而誤移於會議之時定宗既

至后欲立為帝待拔都來會議而拔都托病屢愆行期與後拔都傳語參觀不

及待乃集諸王諸延立定宗幹赤斤亦來會丙午七月定

宗即位西月邊遠屬國若俄羅斯若羅姆若角兒只若法而斯若克

兒漫若毛夕耳等或自來朝或遣子弟其以使臣陪位襄事者則

有天主教王報達哈里發木刺夷阿勒坡各酋長數月之內王會

之盛先所未有定宗錫賚優厚妃主親王大臣并其子弟皆有賜

諸翼將士賜及其家朝貢諸國犒及從者皆拖雷妃唆魯禾帖尼

主其事拉施特云古余克善用財備賜之金有七萬已立施之數余以賦稅補虧已立施不知何數西人疑是金錠所備之物兩次賜于猶有遺者令眾奪取以為樂又教王使人游

關喀批尼云鄂爾多斯有小山駐軍五百重皆金銀絹帛各賜物出於目擊語實不誣定宗首究幹赤斤稱兵之事而不顯

言令親王蒙哥鄂爾達往按鄂爾達當加拔都之兄按都遣以東來見拔都傳戮其官屬數人餘

置不問定宗即位後數月太后脫列哥那崩六皇后之崩元史失載定宗本紀元年則云帝難御極而朝政

猶出於六皇后觀兩書此語及以下諸事則六皇后未久即歿似非妄語元史后妃表注云至元二年追諡昭慈皇后而後妃傳乃云至元二年崩追諡升祔恐是誤皇后傳者誤食妄增廟字

后之攝國也法令廢弛諸王徵求無藝屬官因緣為姦至是始申

禁拖雷妃及子獨不效尤故定宗禮重之殺阿不都拉蠻可補元史之缺仍

以牙刺挖赤主財賦其子馬思忽惕治突而基斯單撒馬爾干等

地皆錫金獅符西書傳后漢國時馬思忽惕逃往於都處不知何故當是其父被斥其子畏波及或亦被斥故逃也復以鎮海為丞

相此見領海傳諭報達使人法克哀丁歸告其主遇蒙古人無禮如不改

行將致兵禍木刺夷使人不見禮而遣歸察合台後太宗數月即

薨薨後其孫合刺旭烈監國漢阿圖塔之子定宗以傳孫而不傳子為非令

察合台子也速蒙哥嗣位西書作也生蒙哥者未為異惟合刺旭烈作喀喇忽拉古則異矣遣兵征高麗本紀不詳

惟高麗傳云定宗憲宗之世歲貢不入故自定宗遣察罕伐宋西書又有速不台案速不台二年至憲宗八年凡四命將征之所紀年分亦合遣察罕伐宋西書又有速不台案速不台二年至憲宗八年凡四命將征之所紀年分亦合

察罕西書又有速不台案速不台二年至憲宗八年凡四命將征之所紀年分亦合命野里知吉帶征西域於諸

王部兵十中抽二本紀云至朔思蠻部兵征西朔思蠻似是部名而無可考親征錄太宗二年至憲宗八年凡四命將征之所紀年分亦合即任先一年戊子太宗皇帝與太上皇共議擲力蠻復征西域擲力蠻

似即柳思賢古謂八曰乃蠻疑是十中抽二餘人之謂作捌力變字音似尤切合姑存此說以廣知者至太宗即位四征不庭西蕃亦言諸王部兵十中抽二非止此也西域屬

邦羅姆角兒只毛夕耳的牙佩亮耳阿勒坡皆轄之取貢賦以供

用西域東境屬阿兒渾定宗謂野里知吉帶我將自往汝為前鋒

西域婦法特瑪行巫蠱術害皇弟闊端事發極刑處死西書云法特瑪馬爾干人名曰希雷訴其巫蠱皇弟闊端之病皆其所為闊端亦遣人來告我為其所厭如死

必誅其人未幾闊端竟卒鎮海請於定宗刑訊之以綖縵其周身孔竅墮囊而投之河隨從婦女皆死居無何又有人訴希雷厭禳定宗子忽察亦斃之并其家屬蒙古本信巫蠱宗初

即位亦有厭禳之飲定宗后至賜死事當不誣西書稱闊端言似庫離忽察言似火札三年

戊申以疾西巡葉密爾河為潛邸時湯沐地西書云定宗自謂此處水土宜於我體沿路犒

賞無算拖雷如唆魯禾帖尼以定宗與拔都有隙今且西行使告

拔都宜善自備拔都乃東來逐之定宗在途西距別失八里七日

程病作而崩壽四十三本紀帝崩於瑛州之兒之通不知何地今考西書略得方向惟本紀二年秋即云西巡疑元史有誤定宗嚴

重有威在位未久不及設施惟皇后聽政時君權下替定宗既立

乾綱復歸於上手足有拘攣病好酒色常以疾不視事事多決於

大臣鎮海喀達克二人

拉施特志費尼並云二人皆信天主教常以是勸定宗定宗之

不傳教語出於天方教人斯為可異喀達克無考惟憲宗元年以葉孫脫等務持兩端坐誘諸王為亂並伏誅內有合答之名或即此喀達克其被殺事見下

定宗崩皇后斡兀立海迷失

西書作烏古勒凱迷失謂是衛拉特部兵庫都喀之女此可以補后妃表庫都喀即忽都哈之異譯說史作忽

都哈別乞別乞侯還誤非名

暫不發喪亟先赴於唆魯禾帖尼及拔都處自請攝國

以待立君拔都允之其時拔都東迎定宗已至阿勒塔克山間信

乃召諸王大將來會自駐阿勒塔克以待

阿爾泰山西支巴勒喀什潭爾西北之山西阿爾泰之阿勒塔克以別於阿爾泰

實即阿勒泰克四字讀泰克不順口變為塔克蒙古語多有此變音似非西人移稱亦作阿拉塔克亦云阿拉克圖憲宗本紀諸王大將初會於阿刺脫忽刺兀之地蒙古謂山曰敖拉亦云模兀

刺見明茅元儀武備志所謂忽刺兀或即敖拉山或山下地名而阿刺脫之即阿勒泰證以西書當無疑義諸王謂會議宜在東方不宜

在西土多不至比及會期大半兀赤拖雷後王無太宗後定宗后

亦僅遣使預議

本紀使者入拉百書則使者帖木兒云先為和林總管語異又本紀諸王

塔察兒為一人表傳無徵案塔察兒當即幹赤斤位下塔察兒國王元年再來會七年率諸軍南征圍樊城其名屢見憲宗世祖本紀禿字應屬上作唆亦哥禿或即憲宗第十弟鐵都哥必求其

人以實之此為近似木哥即憲宗九弟末哥也阿里不哥憲宗七弟西書云大半兀赤拖雷後人語頗合

野里知吉帶自西域來會勘議

遵太宗命立失烈門

今改實勒們西音似失拉門

時忽必烈在坐作而言曰太宗既

欲立失烈門而汝輩輔立定宗豈太宗命耶阿兒塔隆爲太祖愛

女卽有罪當集宗親會訊而後定讞乃不問供狀卽殺之又豈太

祖太宗舊典耶

此舉雖無微其駭馬曰札賚兒薛禪兒公主表補

今日之事獨以太宗命爲詞何

也言者語塞

案本紀卽與忙哥撒兒傳異西書又異蓋會議時人原語多言就所聞紀之各不同如此惟大致同耳

是時定宗長子忽

察亦冀得父位而太宗後人多不愜眾望太祖臨崩分其部兵於

子弟拖雷以幼子所得獨多

西書謂蒙古風俗父之遺產幼子多分太祖部兵十二萬九千人拖雷得十萬一千九百九十九人

各得四千太祖幼子曲里堅亦四千弟哈達三千幹赤斤五千捌只哈達兒之子一千大雁母討

兵事分兩諸將帥大率舊部拖雷薨後蒙哥諸弟尙幼事皆決於唆

魯禾帖尼有才智能馭眾亦與拔都相親厚故眾望屬於蒙哥別

有人建議拔都最長當立拔都不可眾曰王旣不自立惟王審擇

一人早決大計拔都乃曰今吾國家幅員甚廣非聰明睿知能效

法太祖者不可為主我意在蒙哥蒙應曰然蒙哥再三讓其弟末

哥曰

西番音似末

眾謂惟拔都言是聽兄無異詞今奈何不從拔都言拔

都曰末哥言是也議遂定且議明春再會於斡難克魯倫兩河之

源太祖肇基之地皇后使者歸報后與二子忽察腦忽大不悅

西番

腦忽音

似末

遣使告拔都會議非地宗王未集義不能從拔都謂明年再

會於東太祖太宗大業未可輕授君位已定請屈意相從遂令弟

伯勒克脫哈帖木兒

本紀元年西方諸王別兒哥脫哈帖木兒別兒哥今改伯爾克是也西番脫哈音似托略仍是哈爾異譯

將大軍衛

蒙哥而東自駐於西以備非常二次之會唆魯禾帖尼為主召集

諸王大將而太宗定宗後王察合台後王也速蒙哥皆不至拔都

屢使往勸仍不納伯勒克等以久待爲憂請命於拔都拔都乃申

令於眾定立蒙哥宗親中梗議者有國典在既而東方親王捌只

哈薩兒哈準幹赤斤後王咸集

本紀東方諸王也古脫忽亦孫哥按只帶塔察兒別里古帶按元史表捌只哈兒位下也古脫忽移



相哥即也古脫忽亦孫哥三人攜只哈兒奪薩字表之誤哈準位下接只吉歹即按只帶鐵木哥  
軒赤斤位下塔察兒即此塔察兒別里古特改本作伯勒格台為太祖弟榮伯勒格台不過少太  
祖數歲特以庶母所出故列於末太祖崩至是已二十五年是否  
尚存殊不敢必又別里古台孫滅里吉歹見史表或即別里古特

忽察腦忽三王允往猶未至而擇日已定不及待遂奉蒙哥即位

是為憲宗時年四十有三本紀六月即位西曆七月初一日即位即位之日親王列右妃主

列左憲宗七弟列前史表蒙宗子十一人有二人失其名次二忽視武臣以忙哥

撒兒為首文臣以孛爾該為首木紀元年以孛魯合罕宣發號令朝親貢獻及內外

士孛爾該當即孛魯合罕帖齊即必闊赤西書又云其人奉請司托耳天主教即唐之景教禮成大宴七日正燕樂時御者克

薛傑上變謂以失驪出覓道遇車乘甚眾一車折轅其御束縛之

誤以為同伴呼使助則見車中藏兵甚多訝而問之其御曰汝車

同我車何問為益訝之更詢他車始知失烈門忽察腦忽三王以

朝會為名將乘飲宴不為備作亂故亟馳返以告憲宗乃令忙哥

撒兒率兵往覘止其衛士令各從二十人入謁具貢物凡九所謂九白之貢

是也阿卜而噶錫云蒙古尙九故饒禮亦從九數其制出於突厥者上變案忙哥撒兒傳憲宗  
既立察合台之子及按赤台等謀作亂制車轅藏兵其中以入執折兵見克薛傑見之上變忙哥  
撒兒即發兵迎之按赤台不虞事遽覺倉卒不能戰遂悉就擒西書所敘略同而情節加詳克薛  
傑西書作怯克薛傳云察合台之子及按赤台等案察合台後不附憲宗者其子也速蒙哥其孫  
不里末來會蓋預謀也按赤台必非本紀東方諸王之按只帶本紀爲亂伏誅者有按只解當即  
其人似非宗王本傳亦未言其爲宗王而元史類編竟云宗王按赤台等謀作亂朔方備乘忙哥  
撒兒傳本之未是本傳忙哥撒兒既卒帝詔曰察合台阿哈之孫太宗裔定宗闡出之子及其民  
人越有他志所謂察合台孫蓋指不里太宗之裔定宗闡出之子即指忽察腦忽失烈門等與西  
書相合本紀云失烈門及諸弟膺忽等心不能平有後言帝遣諸王旭烈與忙哥撒兒帥兵覘之  
諸王也速忙可不里火者等後期不至遺不憐有解率兵備之當日直係謀逆非止復言也速忙  
可即也速蒙哥火者當即忽察腦所述各異而互較參觀酌中以斷西書敘次似爲清晰又  
法王使人路卜洛克於憲宗三年至和林其所記載與拉施特志費尼二人相同益當可據始至  
時猶令與宴越日拘係憲宗自鞠之皆堅謂無逆謀刑訖失烈門  
從官乃吐其實而自剄以死復令忙哥撒兒訊諸從官咸辭伏憲  
宗以初卽位不欲多行殺戮眾以爲未可正猶豫間牙剌挖赤立  
於門外呼以入問曰汝老成人更事已多何獨無言對曰臣西域  
人也請得言西域事昔者希臘王阿來三得名兒彌已滅波斯欲入  
印度而將領中多異議令出不行阿來三得遣使詢於其傅阿里

斯托忒爾

為古時西域負盛名之人

使者致命阿里斯托忒爾無言惟與使者游園

巡林木之蔽觀眺礙行路者悉令從人芟伐拔掘易以新株使者

悟歸報阿來三得乃誅逐諸不從令將領更易其位遂平印度而

回於是憲宗意決殺三王之黨煽亂謀逆者凡七十人野里知吉

帶二子亦同謀皆以石子填塞其口而死野里知吉帶已往西域

迫人迫及於八脫吉斯之地獲之以付拔都置諸死

本紀卷一百一十五

之仍謂其數即此八脫吉斯在阿母河東南見西域下傳

遂改更庶政分命職官

與元史本紀所言略同不載

禁諸王徵求

貨財馳使擾民禁使者強取民馬非驛路所經勿行自太宗時始

凡商賈售貨朝廷皆得馳驛至是申禁代償定宗及定宗后與子

虧欠商貨銀五十萬

書云巴立施當銀五十萬錠非五十萬兩

依太祖太宗舊制免耆老丁稅

釋道等教亦然惟猶太教人不在此例從阿兒渾之言改定西域

賦則牛馬稅百取一不及百者免二年春皇太后客列亦氏崩葬

睿宗墓旁

拉施特云唆魯禾帖尼信天主教而待天方教人亦厚制哈爾教人議建書院助以黃金一千巴立施故此書院名曰喀尼譯義為后猶育皇后之書院也生走千

人其許再頌太宗亦雅重其人常與議事居於第四子阿里不哥處地近阿爾泰山拖雷墓在太祖墓側至和林究厭禪之獄以定宗后

失烈門母付忙哥撒兒盡法鞠治得實襄以瑄投諸河紀見宋殺定宗

后用事大臣即鎮海喀達克二人書謂行刑殺鎮海者丹尼世們哈兒曉其名見西域下傳而元史鎮海傳但言其卒未言伏法事異以太宗孫不

里付拔都不里曾於酒後冒拔都至是拔都殺之以忽察腦忽失

烈門三王皆由其母煽惑得免死遷忽察於和林西蘇里該之地

未詳謫腦忽失烈門為兵弁蒙古語所謂探馬赤也太宗怒百舍克謂教邊遠處去

歐齊訓係牧駝人之稱恐不足以盡其義本紀諸失烈門也速字里等於沒脫赤之地沒脫赤無考恐即是探馬赤其育地者猶言遠地之兵弁譯者誤以為地名耳其後忽必

烈伐宋請於憲宗使失烈門從軍效力追憲宗自將南伐仍投失

烈門於水分遷太宗後王定其封地太宗衛部軍別擇親王將之

以防其擁眾為亂惟太宗子合丹蔑里太宗孫闊端太子之子翊

戴無二心未奪兵柄仍得分太宗諸后妃家資宋史起二年分遷諸王曰合丹曰蔑里皆太宗子曰

海都曰脫脫皆太宗孫三列失八里地即今烏魯木齊曰葉兒的石河即也見帖石河曰海都立兩地別有考皆在太宗分地及其附近並未遠徙特其之分定疆界耳紀又云蒙哥都及太宗皇后乞里吉忽帖尼於擴端所居地之西擴端即開端蒙哥都則開端之子西方何地無考計亦非甚荒遠不明其地又泥於元史文義一若盡投之遠方也者未為是也本紀元年遣合丹誅裏只吉帶三年以合丹為札魯花赤八年九年諸王蒙哥都攻梁州賊義山竊疑皆太宗後王可就西書以窺測元史至紀云遣別兒哥於曲兒只地此別兒哥不知何人今改伯勒格台則為太祖弟不稔是否案多桑地圖女直之地稱曰曲兒只祕遣貝喇往察合台藩地究史蒙古碑文稱女直曰朱里扯蓋曲兒只即由朱里扯而訛

違命諸臣

此貝喇未知即入印度之八刺否

亦遣使至漢地凡附太宗後者皆逮究乞

兒吉思謙謙州等處皆遣兵巡察

拉施特云自此蒙古內亂以萌失成吉思汗時族固本之訓

命察合台

孫忽刺旭烈殺其叔也速蒙哥代其位奉命而行未至而卒忽刺

旭烈妃倭耳干納行帝命殺之自監國者九載

西書謂也速蒙哥性耽酒樂事皆決於其妃賞

御者克薛傑功封為答剌罕

明武備志頭目曰打刺汗元史謂解改速爾罕為凡有勳勞免其差役之謂又案啟背體亦封答剌汗見西游

錄元史列傳有答剌罕得酒甚多罕即言悉乘頭目之名非止免其差役初政大定乃散遣來會諸王厚賜伯勒克

脫哈帖木兒遣歸

定宗憲宗本紀補異終

后妃公主表補輯

此本多乘輿抄施特書互有歧異兩存之以俟考

元史譯文證補三

兵部左侍郎總理各國事務衙門行走加三級臣洪鈞撰

烈祖宣懿皇后訶額倫幹勒忽訥氏

元史作月倫西或書作烏倫與訥史之訶額倫相類自是訥史音確幹勒忽訥亦見

祕史蒙古源流作郭勒郭諾特西或書作烏而忽奴特三書相較應從訥史語尾待字可省西域書謂是宏吉刺特之分部案訥史也連該罕太祖往其母舅幹勒忽訥氏處求親到扯克撒兒山赤魯兒古山之中間遇翁吉刺人德薛禪問曰也連該親家何往可見二族居地相近而傳以親家殆因訶額倫為其同族之故足可為證西域書又云烏倫釋義為靈與元史語解同

太祖光獻皇后孛兒台宏吉刺氏

元史作孛兒台旭真案明茅元儀武備志鞬鞞

屬之語如親征錄之帖木真幹性祕史之帖木真兀格下二字皆非其名譯音未言其故作使春誤以為名應去訖赤察罕台窩闊台拖雷皆其所出元史表太祖后妃共三十九人西域書未備載但云正后五人孛兒台為之首餘四后列下

忽蘭皇后蔑兒乞氏

見元史表帶兒兀孫之女見親征錄祕史生子曰格兒干盤即元史之闊列堅太子也或作曲里堅

也速干皇后塔塔兒氏

生烏察兀兒早卒太祖次五子兀魯赤無嗣似即此祕史稱也速干同元史蒙古源流作濟蘇凱

也速皇后塔塔兒氏

也速干之姊

古楚皇后女真人完顏氏

金史宣宗本紀衛紹王公主元史稱岐國公主以元史表較古楚之音無一合者金史稱為公主皇后古楚豈公主

之說耶后壽高阿里不哥據和林叛時尙在無出以上  
五后西域書列之正宮以下四人則妃嬪中之著稱者

一妃乃蠻人失其名生一子爲太祖最長子曰忽兒赤體早卒

備錄云成吉思子甚多其子比因破金國攻南京時陣亡今二太子初爲大太子名約直又云劉伯林雲內人有子甚勇武沒個畏子戰死遂將長子之妃嫁伯林子孟拱此語不爲無因約直即

赤尤

一妃塔塔兒人失其名生子曰烏拉察罕早卒

元魯赤只烏拉察罕字音尤近疑前之烏察兀兒非

一妃乃蠻塔陽汗之哈敦曰古兒八速

親征錄作妨兒八速秘史作古兒別速謂是塔陽汗母親征錄謂是妻西域書同親征錄按若是母則年已長太昭未必納諸後宮自是秘史之誤惟太祖納之則僅可證諸秘史

一妃西夏國主女失其名

秘史載其名曰察合合字乃注中字則常讀如哈

光獻皇后生女五人長火阿眞別吉

秘史作火眞親征錄作火眞元史大臣音似未足過亦乞刺斯部長李徒具見元史次徹徹干

謂通衛拉特部長忽都哈別吉之子土拉而吉此惟秘史有之女名扯扯亦堅

三阿刺海別吉

元史爲誤述正古部長阿眞元史緊吉忽里之

音皆近似也三書之土拉

而古情即亦納勃赤之說

第古台尙拖雷女系阿刺兀思別吉忽里既死於難妻子與姪避地雲中太祖既定雲中購求得之以其子李宴合尙幼封其姪國爲北平王鎮國斡子蕭古台襲爵尙審宗女李宴合幼從攻西域還封北平王尙阿剌海別吉公主公主明睿有智勇車駕征伐四出嘗使留守軍國大政皆稟而後行師出無內顧憂公主之力也蒙遜備錄則云二公主曰阿黑黑百用俗曰必姬夫人曾嫁金國亡臣白四部死其居今領白穆和國事且述有經有婦女數千人學之征伐斬殺皆自出據此則元史所謂留守乃是蒙汪古部事非太祖本部史文之誤會也史言李宴合幼從征西域歸乃封王尙主而蓋洪之使蒙古作蒙達滿錄在辛巳歲正太祖在西域追札闕丁之年不應即云公主夫死寡居西域書之鎮古即鎮國之訛謫古台即蕭古台尙審宗女語同反覆推求必是公主先適鎮國夫死遂自領汪古部事繼而夫弟李宴合自西域還尙公主鎮國子訥古台爲公主出而李宴合之三子則公主進姬妾以生西域書但言其前元史但言其後而蒙達滿錄則適當其中蒙古不諱再整理宜然也白四部之名無可比附西域書謂太祖欲以女還阿剌兀思別吉忽里辭以年七歲以兄子訂婚阿剌兀思之兄先爲汪古部主汪古部爲金守長城邊界兄弟死嗣而金主仍禮遇其兄子蒙達滿錄所以云金國亡臣也汪古之義爲邊牆云是契丹語蓋卽金語史言金源氏璽山爲界阿剌兀思以一軍守其術要語同西域書紀阿剌兀思死難之事與元史異語繁不載又云阿剌海別吉年

### 四飛馬倫

謂通滿古拉特部長阿赤諾延之子曰

爲阿赤諾延飛馬倫年長於拖雷後率鴻吉拉人四千駐守飛馬特之地案之各書全無證探及考蒙達備錄云三公主曰阿五嫁尙書令國舅之子又云按赤那邪見封尙書令乃成吉思正后之弟因而恍然阿赤諾延卽元史之按陳諾延其子慎古史傳無徵然蒙達備錄明言三公主嫁國舅子而特詳傳但言按陳子幹陳尙審宗女必是史官失載元史表郭國公主位飛滿倫公主適赤窟駙馬木吉何帝之女而飛馬倫飛滿倫譯音悉合慎古赤窟轉音相通元史太祖本紀有赤駒駙馬親征錄作赤渠秘史卷十三蒙文稱出古尤與慎古近合元史特詳詳譯寓賜號國舅按陳諾延郭國平元史會編於按陳從征伐有功賜號諾延下注曰譯音國舅也案諾延爲官長之稱並非國舅當是按陳爲國舅是則按陳並非其名答爾吉古爾干此說大可備考



五阿兒塔隆或作阿兒塔魯罕適幹勒忽訥部長泰赤子札費兒  
薛禪爲宣懿太后之嫚謂太祖最愛此幼女定宗時以事賜死見憲宗本紀補編無可稽考非正后出之女也  
立安敦巴而朮傳作也立安敦秘史作阿勒阿勒屯西域書謂米成婚先卒附見畏吾兒釋地元史國主巴兒朮阿兒忒的斤詐元史本傳西域書謂米成婚先卒附見畏吾兒釋地元史  
會編引蒙達備錄云太祖女七人而可徵者僅三人今共考得六人

后妃公主表補輯終

元史補傳

元史譯文證補四

兵部左侍郎總理各國事務衙門行走加三級臣洪鈞撰

元赤太祖長子母光獻翼聖皇后寧兒台秘史台作帖微異又元史作李兒台旭真秘史無旭真初孕

時蔑兒乞人修宿怨來掩捕太祖匿於不兒罕哈勒敦山未被獲

獲寧兒台而去太祖乞師於客列亦部長汪罕復得札只刺部長

札木哈助兵乘夜縛筏渡勤勒豁河襲敗蔑兒乞奪寧兒台以返

既而舉子名之曰元赤元赤者蒙古語謂客也然卒以是見輕於

諸弟仲弟察合台尤與不協至晉之為蔑乞兒種云此據秘史勝史未言元赤之生而揆

恃皮事在斯役之後或謂寧兒台有姊為汪罕妃烈祖又嘗有德於汪罕故聞

太祖之訴即脅蔑兒乞歸寧兒台未被掠時孕已數月比在歸途

元赤生倉卒無襁兒具乃搏麪如籃形置於騎以載歸太祖喜曰

此不迷之客也故名曰元赤此據拉施特阿卜而嘎錫案汪罕蔑兒乞皆與太祖所居不遠蓋計被掠至歸不過數月之期如西書所云

則隨種更無姓職名為赤赤亦有由來然此水端緒分明其後又有察合台一言為證遂成疑案雖太祖亦不發聲欲斥和史而從西書若無他書為助專從和史又恐誤與王西人之考元事者蓋繁有徒從無言赤赤非太祖真子者則拉施特作史之功也兩存其說庶乎其可

北赤自幼從父備歷艱苦太祖開國四征不庭靡役不預阿卜而喀錫云乃蠻之役未去為右翼之桑末識此語附錄於此性卞急驍勇善

戰解本元史無編將領多服其能不嗜殺嘗攻塔塔兒人俘獲得生者逾半

太祖二年丁卯領右軍往征和林西北部族以不哈為鄉

導幹亦刺部長忽都哈別乞迎降遂引軍征土綿幹亦刺於失黑

失特之地於是幹亦刺句不里牙特巴兒渾句兀兒速特哈卜哈

納思句康哈思諸部族悉降西書未言北赤但云衛喇特不戰而降本紀幹亦刺之降在三年間乞力吉思之附在二年有之西國應從秘

史先定幹亦刺由東而西軍程乃合蒙古謂萬日土綿幹亦刺解作萬幹亦刺不合應從秘

土綿幹亦刺又作幹亦刺傷今改衛喇特即厄魯特西域書亦稱衛喇特謂謙河之源有八河衛拉

特居於左連其東有烏拉連特帖特各欠的述三族居拜塔勒河以西與衛喇特乞兒有恩為

鄰素烏拉連特即和史之兀兒速特帖特郭特當即田列克見下客失的述亦見下又云湖東有

庫里麻拉施不里牙特土歌特四族總名之曰巴兒古特素不里牙特見上土歌特即禿馬見下

巴兒古特即巴兒渾西書雖謂是總名蒙古或有分別太祖本紀莫罕倫之幼子納真於八刺忽

民家為贅婿八刺忽亦即巴兒古特見上本紀錄證

復招下乞兒吉思部音致思愛為速土綿謂萬言其原也多

兒古特見上本紀錄證

桑考得此部居地甚廣在昂可拉河之西阿爾泰山之北偏東乃蠻在其東南鐵河諫諫州在其境內俗雖游牧亦有城郭蓋元代西國人奉使至元途中備記各部族故所得為詳詳見西北地

附酋長也迪亦納勒即元史野阿勒迪額兒即元史阿幹列別克的斤

望風歸款多桑引拉施特云乞兒吉思人稱其酋長曰伊納耳即附史之也納勒又云內分

作別提阿福隆其酋長名烏洛斯伊納耳又云乞兒吉獻白海青白駟馬黑貂等方

物本紀云獻名鷹并施特云白眼鷹阿卜而噴錄云鷹復降失必兒句客思的音

夫必兒當即鮮卑之異稱今俄國名烏拉嶺一帶曰西悉卑爾黑龍江一帶曰東悉卑爾或作

伯利審音考地皆屬鮮卑多桑地圖乞兒吉思直北有依必兒悉卑利部必即此失必兒惟依必

兒不得其解元史土土哈傳先世徙居玉里伯里山玉里伯里與依必兒悉卑利字音相近下文

云號其國曰欽察則在烏拉嶺西俄人所謂西悉卑爾非此之失必兒也又也兒的石河東托博

爾斯科之南三十二華里舊有悉卑爾城向屬元代後王明萬曆九年俄將亦耳克攻下之今

城址尚存雖非此之失必兒而皆可為稱名之證客思的音當作客失的達蒙古語末一字往

往政其音就巴亦特禿哈思句田列克元史列傳石抹阿辛迪列訖氏歲乙亥率

人蒙古語謂槐因亦而堅者是也槐因謂林木亦而堅又作師旋太祖以

忽都哈別乞先來歸以皇女扯扯亦堅妻其子亦納勒赤以朮赤

女豁兒哈

此據補史高文語解作豁雷罕恐誤

妻亦納勒赤之兄

以上皆本補史高方備乘尤亦傳亦本此

太祖六年

辛未伐金尤赤與弟察合台窩闊台分循雲內東勝武朔等州下

之八年癸酉復與弟爲右軍循太行而南取保遂安肅安定邢洛

磁相衛輝懷孟掠澤潞遼沁平陽太原吉陽拔汾石嵐忻代武等

州此據十一年丙子從太祖北還先是乞兒吉思與秃馬皆已歸附

西書作土默特即補史之秃馬楊朔方備乘謂吐麻當在今俄羅斯白哈兒湖左右

太祖南征時乃蠻酋古出魯克襲據

西遼誘結諸部以謀蒙古

此據阿卜而夏錫其說最爲接切時勢補史但云豁兒赤激變事所容有今融會兩說而並存之

而蒙

古諾延豁兒赤索美女三十於秃馬秃馬怒囚豁兒赤叛蒙古以

應古出魯克太祖十二年命將往征

元史親征錄西書載征秃馬皆在丁丑而補史誤繫於尤赤北附幹亦謂乞兒吉思

部之後代金之前細查其由蓋西尤赤而至乞兒吉思第二次師由秃馬而起而補史志一役是以致誤

徵兵於乞兒吉思不從亦偕

諸部叛去乃命尤赤往討

親征錄西書並同

仍以不哈爲先鋒戰勝遂北至

亦馬兒河還至謙河涉冰北行

親征錄云以不花爲前鋒追乞兒吉思部至亦馬兒河而還大太子領兵涉謙河水順下招降克兒

為思等部亦馬兒河無考或即葉密爾河見葉密爾考葉密爾河濱有葉密爾城見耶律希亮傳  
劉郁西使記作葉滿是知葉密亦馬音近易訛讓河在磨勞山北發源自東向西流轉而北流入  
今俄界為葉瑟瑟河若亦馬兒河即葉密爾則是遼迨至西南還軍東北涉西流之謙河既渡河  
後仍循河之北流以行故曰涉謙河水順下以此註觀征錄字字皆實下落當不謬也履冰過謙

河見盡降克兒為思憾哈思帖良兀客失的迷等種族元史類編引大方廣通鑑云元赤伐烏

思憾哈思帖良兀客失的迷火因亦而干等語皆降之時太祖十二年丁丑歲事案元史西北  
地附錄注有烏斯即烏思憾哈思帖良兀客失的迷火因亦而干等語皆降之時太祖十二年丁丑歲事案元史西北

田列克也火因亦而干即槐岡亦而堅義見前惟克而為思無可比附朔方備乘謂即乞兒吉思  
然上文已云迨至亦馬兒河而還不應復出疑是脫顛列思之說或為乞兒吉思之別部西書固

言乞兒吉思非止一國也統計種名大率於上文相同必是前此已降復從乞兒吉思以叛故前云亦借諸部叛去非應撰也當古出魯克之遁也兒

的石河也與蔑兒乞部長脫黑脫阿偕太祖三年師至也兒的石

河敗其眾殺脫黑脫阿古出魯克西遁西遼脫黑脫阿子忽都等

南遁畏兀兒遣使先往亦都護殺使起師與戰於稽河親征錄作忽

都等遂西遁至是太祖命哲別征古出魯克命速不台征蔑兒乞

製鐵車以賜曰蔑兒乞吾深仇也敗而遠遁如馬帶竿如鹿負箭

若飛汝作鷹鷂若入穴汝作鋤若入海汝作網與汝鐵車以堅汝

志

何氏仍云脫脫西遁未免失考西書作托克塔與脫脫阿尤叶故知秘史譯音之確西書紀

連不台之師為太祖十一年與連不台傳同親征錄在十二年速不台既受命軍經阿

爾泰山及之於吹河

度兒乞於垂河必即吹河連不台傳作蟻河即吹河之轉音西書

建國近接吹河固知是也西書云連不台攻托克塔子弟於阿爾泰山軍至鄭河阿爾泰山甚長

入而尤赤則在乞而吉思一帶為後援盡滅其眾

脫黑脫阿有子善射有默兒根之稱速不台生擒之

秘史脫黑脫阿三子皆著其名親征

錄有四子而無名元史巴而尤兒式的斤傳本言四子皆有名稱老溫與秘史台皆皆不台

西書是役亦有四人惟一為托克塔之弟曰庫都則又歧異矣西書於忽音每誤成庫當即忽都

又云庫都與托克塔二子皆陣亡一子庫圖堪善射有勇而快之名西書汗字每討乞兒吉思等部駐師西陲速不台獻諸朮赤命以射首矢中的

次矢劈前矢之餘而亦中的朮赤大喜馳使告太祖請赦太祖曰

蔑兒乞吾深仇留善射仇人將為後患仍令殺之太祖十四年己

卯親征西域朮赤將兵以從下八兒真養吉干璫的等城

此役之先西域王在

錫爾河與察古軍戰阿卜而嘆錫爾係朮赤考之元史紀史又疑是速不台之師吹河下流將入涼爾之處距錫爾河已不甚遠拉施特未言是朮赤故僅附見於西域傳注中今亦不以入傳

十五年庚辰秋與察合台窩闊台攻西域烏爾韃赤都城久不下

十六年辛巳太祖改命窩闊台總制諸軍始克其城察合台窩闊

台南赴塔里堪與太祖會師語詳西域傳親征錄所紀時序皆合西書惟皆下一年時太祖將

命哲別速不台北征奇卜察克循裏海之西以往而大軍皆在東

南不相應乃命朮赤仍東駐鹹海裏海間以遙為聲援西書亦未見及此意但云朮赤

未來耳觀地圖則裏海東瀉不可無此一軍非惟圖南軍後路且為西師援兵哲別補傳有濟師於朮赤一事此其確證太祖用兵如神未舉兵法而全合兵法所以愈顯西書而愈有味也十

七年壬午西域悉定太祖北歸朮赤自以與弟不睦拉施特云惟拖雷友愛長兄已

所封地遠在異域恆鞅鞅不樂太祖至錫爾河屢召來會以疾不

至十九年甲申哲別速不台既平奇卜察克復敗俄羅斯之軍擒

計掖甫部主扯爾尼哥部主皆名穆斯提斯拉甫獻諸朮赤誅之

詳哲別傳朮赤遂自錫爾河北僭塔之地葉西踰烏拉嶺至奇卜



察克東境轄治所部

尤赤拔都鄂爾多皆在布而噶爾奇卜察克境內蒙古源流謂在俄羅斯地方即汗位大課其時奇卜察克西境未盡平定

令

哲速二將班師尤赤未久旋薨或謂太祖十九年或謂二十年壽

四十八或四十九太祖東行召尤赤未至繼又命其西平布而噶

爾

即西北地之不里阿耳奇卜察克俄羅斯扯而開斯

即西北地之撒柯思

等部未定之地而

尤赤稱疾不行太祖滋不悅二十年乙酉太祖既還行宮有蒙古

人自西來詢以尤赤之疾則云但見出獵未聞有疾太祖大怒命

察合台窩闊台率兵往逮問無何薨信至太祖大慟欲治其人妄

言之罪而已逸去遂命幹赤斤大王往視其喪定嗣子位尤赤長

妃為汪罕弟札阿紺孛之女名別古特迷失

元史察紀志宗廟至元二年定為八室第三室皇伯考尤赤皇

伯妣別土出述失字音相類元史人名述失者甚眾男女並以爲名案唐書北突厥有烏蘇米施可汗西突厥有阿史那彌射同紇可汗稱浸密施者亦甚多當出突厥與拖雷如

為姊妹行後以尤魯兀惕部長主兒扯歹有功以亦巴哈賜之拉施特云汪罕弟阿紺部三

女一嫁尤赤一嫁拖雷一日阿必喀太祖娶之以夢兆不吉令速烏魯特部長時爲親軍大將烏魯特即兀魯兀惕間之波斯人云西人譯彼國文字阿亦二音常誤如地名阿拉克則曰義拉克

阿而爾則曰義而爾是也阿訛然則亦音亦可訛阿至哈變為喀乃是法文通病竊度拉施次  
特原文必尙合蒙古音追經重譯誤以滋然細審其言皆有根據事實或者秘史之遺漏也

如幾人不可考其見於俄羅斯人書者有曰渥稽有曰蘇而灘又

有曰薩兒堪則天方教人所云也俄人名子十四人拉施特云四十人可

徵者曰鄂爾達元史不載惟太宗八年以中原諸州民戶分賜諸王貴戚幹魯朵拔都平

之稱細審文義不應稱此蓋即拔都之兄曰拔都曰伯勒克元史憲宗元年西方諸王別

鄂爾達也古與即定宗名敗本未見及曰脫哈帖木兒見上注西書皆作托喀帖曰昔班見

伯勒克後繼汗位屢見俄書而曰唐古忒應曰唐兀惕曰伯勒克察耳曰桑庫爾哈木耳云一鄂爾達

元史世系表無之甚可怪也曰脫哈帖木兒見上注西書皆作托喀帖曰昔班見

不盡可據姑以備考曰唐古忒應曰唐兀惕曰伯勒克察耳曰桑庫爾哈木耳云一鄂爾達

### 附元史朮赤傳考誤

朮赤者太祖長子也國初以親王分封西北其地極遠去京師數  
萬里驛騎急行二百餘日方達京師以故其地郡邑風俗皆莫得

而詳焉朮赤薨子拔都嗣拔都薨弟撒里荅嗣撒里荅薨弟忙哥帖木兒嗣忙哥帖木兒薨弟脫脫忙哥嗣脫脫忙哥薨弟脫脫嗣脫脫薨弟伯忽嗣伯忽薨弟月即別嗣至元二年月即別遣使來求分地歲賜以賑給軍站京師元無所領府治三年中書請置總管府給正三品印至大元年月即別薨子札尼別嗣其位下舊賜平陽晉州永州分地歲賦中統鈔二千四百錠自至元五年己卯歲始給之

案此傳可議處極多朮赤分封西北建牙何地雖無可徵然彼時俄羅斯境外良師境內無恙奇小察克雖被兵而太宗九年尙有八赤蠻之役則全境未定可知意必於烏拉嶺東海之東鹹海之北開闢建國未爲遠也拔都既定西陸始定居於烏拉嶺西不里河耳欽察之地天主教王使人東赴和林路經拔都之鄂爾多謂拔都發驛遞至和林四十二日可達蓋由拔都所建之薩萊城以往和林東西直線不及九千里程途紆折亦僅一萬二千餘里以日行三百里計之誠不過四十餘日其後世祖定鼎燕京又去和林三千二百里再增十餘日亦必可達薩萊城舊址在今俄國薩拉托夫省噶爾斯可稍所謂去京師數萬里殆以今之半里爲一里行二百餘日方達京師殆非急行驛騎乃徐行之車乘耳或以海都叛亂和駟皆廢驛騎不能按程易馬以是稽遲然究非急行之謂也拔都之後六王純是兄終弟及古來未有事屬可疑仁宗延祐元年木紀始見月思別之名英宗泰定帝本紀並作月思別文宗至順年間乃作月即別

偶然異字實非異人而此云至大元年曰即則堯子凡尼則嗣位不解其故反復推求蓋世主  
元二年月卽別遣使來求分地歲賜一事誤之此爲順帝之至元非世祖之至元所謂至元五  
年已卯亦爲順帝之至元順帝元統元年歲在癸酉見於輟耕錄自癸酉至己卯凡七年正是  
至元五年二年來求歲賜三年置總管府五年始給平陽晉州永州舊賜歲賦本相聯屬而誤  
爲區分所以誤也延祐元年本紀明云諸王脫脫薨以月思別嗣位西番  
紀載世次相符伯忽其人乃在脫脫之前非在脫脫之後別見諸王補傳

尤赤補傳終

拔都補傳

弟伯勒克附

元史譯文證補五

兵部左侍郎總理各國事務衙門行走加三級臣洪鈞撰

拔都朮赤次子與兄鄂爾達相友愛從父駐西北軍中朮赤既薨

皇太弟幹赤斤奉太祖命馳至鄂爾達自以才不如弟願讓位乃

定拔都為嗣西書云入告章奏仍列鄂爾達於前未久太祖崩幹赤斤馳歸拔都與兄鄂

爾達弟昔班句唐古忒句伯勒克句伯勒克察耳句脫哈帖木兒

亦東來會喪奉太宗卽位太宗七年乙未西千二百三十五年以奇卜察克俄

羅斯諸部未定議遣諸王出師朮赤位下者鄂爾達拔都昔班此

速不台傳馬札兒之役唐古忒察合台位下者貝達爾察合不里見秘史據元史所云似

台孫模阿圖遜子速不台傳馬札兒之役有呼里元太宗位下者古余克即定宗之弟

史書法克合丹見速不台傳拖雷位下者蒙哥西書音似撥緯克案元史

子也蒙哥西書音似撥緯克案元史撥緯西書音似撥緯克案元史牙忽都傳祖撥緯克案元史

役拉施特作曲里堅亦以拔都為統帥速不台副之八年丙申兵行速不

台首入布而噶爾太祖時已降其部而復叛至是悉平之即西北地

耳有城亦曰布而噶爾昔時此城通商賈九年丁酉入奇卜察克其別部酋八

赤蠻多桑注云中國元史作巴魯克克多桑但見元史改數抗命拒敵大軍至敗

遁浮而嘎河深林中一日數遷以避蹤跡蒙哥令眾軍合圍其林

乃入搜捕見空營一病嫗在焉詢之則八赤蠻已遁水洲中跡至

出不意擒之憲宗本紀書攻欽察部其酋八赤蠻逃於海島帝聞亟遣師至其地適大風刮

赤蠻曰我為一國主豈苟求生且身非乾何以飽人為乃命囚之八赤蠻謂守者曰我之族人於

海與魚何異然終見擒天也今水週期且至軍宜早還帝聞之即班師而水已至後軍有浮渡者

遠不台傳乙未太宗命拔都西征八赤蠻曰聞八赤蠻有膽勇速不台可勝之命為先鋒與八赤

蠻戰緣又介統大軍遠虜八赤蠻妻子於寬田吉思海八赤蠻聞速不台至大懼逃入海中案浮

而嘎河下游入海即寬田吉思海裏海水混黑信北里大作則北岸水淺海中有一島度八

赤蠻之逃示必具有舟楫不過乘水淺時暫避偷生不意元師接連已至遂束手就擒風力既息

水且退速事遂之常無足多為神異力備乘夜和傳疑為海之潮汐偶為愆期所見故當時者

地既誤比以錢塘潮三日不至亦復不類速不台傳歸功速不台案當日速不台為副帥亦為先

鋒迨八赤蠻敗遁裏海而憲宗往擒此皆可就西書以證元史昔里幹部傳乙未定案八赤

皆以親王與速不台征西域明年政行幹部亦在行中又明年至寬田吉思海時序正合

蠻請王自行刃以死蒙哥令撥紿手刃之奇卜察克東北近濱浮

而嘎河諸部族若波爾塔斯詳未若毛而杜因若薩克孫北三部當是芬

此處又有扯而開司即西北地之撒里柯思是時元軍未往黑皆震懾款服裏海以

北咸定是年冬遂入俄羅斯當俄之始被兵也喪師於外境內無

恙至是已十四載諸出俄史可諸侯王惟事內開不復慮外患毛而杜

因人與俄有兵怨導大軍自東南入南境諸王曰幼里曰羅曼分

守勒治贊句克羅姆訥二城乞援於物拉的迷爾共主攸利第二

王而兵不亟至蒙古軍招降勒治贊城令出民賦十分之一為歲

貢幼里不從乃築長圍絕其出路力攻五晝夜至六日城破華而甫

千二百三十七年十一月二十七日破城幼里闔門殉之城亦被焚古時俄國居里無城皆用木惟天主堂

木屋也俄人云拔都聞幼里子塔脫美令其出謁而不從乃殺其子其婦自墜樓死今於至克

羅姆訥城攸利第二王遣子務囊服洛特率眾來援而勒治贊已



破乃撥克羅姆訥戰於城下羅曼陣沒務賽服洛特逃歸物拉的

迷爾米幾克羅姆訥下

華而甫云蒙古於此處殺戮更甚因開列堅此役受傷而隕之故

其南之勃樂斯科

城亦下北至莫斯科城城建市百年守具未備

時猶未建

兵長驅直

入獲攸利第二王之孫

其名即曰物拉的迷爾

東趨物拉的迷爾都城攸利第二

王令其子務賽服洛特

句

木思提思拉甫守城而自引兵北駐錫

第河

傳聞謂之文見地

以待諾拂郭羅特王雅洛斯拉弗哀

句

撒勒司拉弗

哀王士委託斯拉甫之兵蒙古軍至城令攸利第二王之孫在城

下招降不肯下乃殺之分軍下赫斯達耳城而歸合圍物拉的迷

爾十年戊戌春城破

多桑云西一千二百三十八年二月初八日蒙古而市二月十四日

二守王戰沒嬪御官

紳皆入禮拜堂拒守焚以火藥灼盡死自此分數軍分下攸利掖

甫

句

過羅斯托弗哀

句

雅洛斯拉弗哀

句

喀辛

句

特弗哀耳

彌特洛甫

句

撒勒司拉弗哀

句

浮洛格

句

郭洛的

赤等城

案所下之城就多桑地同

觀之已不止此  
蓋省文不備

北至錫第河圍敵營攸利第二王與二姪皆戰沒兵士

得脫者十僅二三

是年西三月俄史云其姪瓦西里克被俘以不降被殺攸利之戶後為教士覓得葬於禮拜堂

復北趨諾拂郭

羅特未及城百數十里而退

俄史云六十月夜率百騎三時天曙雪消道路泥濘故退

是為俄羅斯極

北境始立國時建城定都於此列城中惟是城歸服最後見伯勒

克傳軍既退轉而西南一軍攻廓在爾斯科城瓦夕里王堅守不

能克戕蒙古軍數千人拔都令合丹不里往助閱兩月始克屠城

血流成渠獲瓦夕里投血渠中淹斃

速不台傳辛丑太宗命諸王拔都等討兀魯思部主也烈班為其所敗圍禿里思哥

城不克拔都奏速不台潛職速不台選哈必赤軍怯憐口等五十人赴之一戰獲也烈班進攻禿里思哥城三日克之盡取兀魯思所部而還案禿里思哥即廓在爾斯科也烈班即攸利第二

王俄史謂禿里思哥之曠曠三軍亦受創或係先放後擊蒙古當日度俄羅斯各城無如廓在爾斯科之難下者故呼為卯八里克猶言惡城傳歸功速不台西書謂合丹不里來助而下說異然是

役在太宗十年戊戌至辛丑歲俄部早已全定大軍皆在馬札兒傳之誤一也速不台自乙未西征始終其事而傳於此忽加奏速二字似乎歸而復來朔方備案為其所誤故俄羅斯傳謂十三

年太宗復命拔都等討兀魯思本一事而似兩軍東南向浮而嘎河端河下游以役傳之誤二也似此推之速不台傳說誤多矣

行收奇卜察克部西庫灘西北遁馬加部餘眾不及逃者降為軍

庫澤兒哲別補傳馬加見下

遂平撒耳柯思阿速等部十一年己亥春拔阿速之蔑

怯思都城

太宗本紀十一年十一月蒙哥率師圍阿蘇度怯思城聞二時我之師此拉施特云不及兩月今從元史及怯思西書作度克思別作忙嘎思又稱麻思撒耳柯思

兒西北地附錄釋地元史謂是憲宗督軍西書未備載昔里針部傳已亥冬十有一月至阿蘇度怯思城負因久不能下明年春正月針部率敢死士十人躍雲梯先登俘十一人大呼曰城破矣眾舉附而上遂拔之紀攻城甚詳特云

直至烏拉嶺西北地

拔摩而南說增入蒙元史謂欽察去中國三萬里夏夜極短日晡沒即出奇卜察克居地今已考訂詳明鄰近黑海距中國尚

餘里赤道北四十七八度即元史所言額赤道北六十度乃合烏拉嶺西北有得費那河皆芬尼一類人所居此河下游入白海軍行至此便合夏日暫沒即出度數又烏拉嶺西有撒勒姆部族亦芬尼之類為蒙古所併見於俄書而華書無可印證惟忙哥撒兒傳從征帖羅斯阿速兒別里欽察諸部悉兒別里無有別里或是撒勒姆或即孛烈兒理兒似芬尼之對音差可附會芬尼之族屬地其廣漠之北與東嶺是今西人稱之曰芬蘭見蓋志略曰芬尼書玄名也元史類編言欽察俗勇猛背日赤髮蒙古卜察克人髮睛皆黑其人從入中原多位將相順帝答統失星皇后亦欽察人必無背日赤髮正位中宮之理即彼時俄國亦是黑髮黑睛惟王族由瑞典擄成而求則當是背日赤髮又英國人口耳曼人從前已有商於俄地者得費那河下游即有彼族設市於此此真背日赤髮軍歸傳述記者不得其詳遂以欽察統之皆非事實至於此役分軍北略華而南亦不能斷其年分惟攻計被前在太宗十二年而十一年中元軍不能無所事事故紀於此拔都既休息士馬乃謀南俄計掖甫者南俄之大城也先時建都於此歷三百載後乃以物拉的迷爾為上邦攸利第二王既戰沒

計掖甫王雅洛斯拉甫往援不及乘蒙古軍退遂入物拉的迷爾

嗣其兄位而扯耳尼哥王米海勒亦乘其北行據計掖甫十二年

庚子拔都軍至匹耳司拉弗哀城降之攻下扯耳尼哥城傷士卒

頗眾華而南云守將以沸湯淹攻城人故名退而東掠嘎魯和城東至於端河既絕計掖甫

之旁援而帖尼博耳河不得渡蒙哥駐師河東華而南云計掖甫城牆白色高峻城內禮拜堂三千餘金

塔通靈家古人稱為阿勒泰八什汗努為譯義為金頂汗之邦遣人諭降使者被殺冬帖尼博耳河凍合拔

都將全軍渡河米海勒逃往波蘭令其將狄米脫里居守蒙古軍

攻具已早備晝夜力攻克之華而南云西十二月十六日破城狄米脫里傷而未死拔

都以其忠勇釋不誅俄史謂狄米脫里勤拔都再征控噶爾以免俄境蹂躪是為忠於本國控噶爾即馬札兒也復下哈力亦

城達尼爾王亦遁南俄之地略定乃謀波蘭部馬加部皆俄羅斯

南而之國也兀耳合台傳從征狄察及兀魯思阿字烈兒諸部丙午又從討字烈兒乃捏迷思部平之秘史康和等十一部內有字烈兒其云阿字烈兒阿字為唇舌開帶

出之音非部番本名所有實其字音當即波蘭俄人莫知乃耳德云布而裏爾部西域人稱為字老耳亦曰字拉耳則與字烈兒音益近元師之征波蘭馬加同時並進而馬加之役僅一見迷不

台傳作馬札兒無可證位不能定斷故從西人今詳作波爾其名見源遠志略謂方備系  
今地已為俄與布三國所分屬如今併入奧故中國文獻稱奧曰奧斯馬加詳控噶爾考

時分四部其酋曰康拉武治撒洛赤克城曰寧力希治伯勒斯洛

城曰波勒司拉弗哀治克拉克城曰米夕司拉弗哀治拉低貝爾

城馬加部酋只拉亦曰克拉作怯憐者克拉之誤也怯憐見速不台傳治格

蘭城濱杜惱河而常駐河東之派斯特城即速不台傳所謂亮納河馬札兒

布達釣於光緒戊子奉使謁奧王於此近時西國盛撤斯城名為城實無城波蘭在東北馬加在西南兩國相依如

輔車而馬加三面環山險阨四塞尤不易用兵拔都乃議東南北

五道分進極北一軍貝達爾統之波蘭史云統將貝達爾即貝達爾十二年冬前鋒人

波蘭之柳勃林城乘外斯拉河冰合涉河掠森地米爾城直至克

拉克未及城而返捕獲無算克拉克將烏拉的米爾來追敗而退

蒙古軍亦歸哈力赤未幾大隊入波蘭克拉克森地米爾之軍來

禦十二年辛丑春戰於夕特羅物城西一千二百四十一年三月十八日皆敗潰克拉克

酋波勒司拉弗哀遁土拉斯城遂焚克拉克進取拉低貝爾其酋

米少司拉弗哀不能禦北遁勒基逆赤合於其兄亨力希軍至伯

勒斯洛民自焚城守河洲中堅堡不易攻軍亦引去先有分軍躡

枯雅弗以句蘭斯克等城至是來合併力以至勒基逆赤時亨力

希集眾三萬分五軍第一軍為日耳曼人即今之德意志人元史所謂青目

按都尉字烈兒乃捏迷思部平之案俄羅斯人先時稱曰耳曼人曰匿密思又曰匿姆齊義謂言

語不通又西人云突而克人稱曰耳曼人為匿密西至今猶加尚稱法國人曰匿密特據此則捏

迷思即今之德人元時波蘭西北界曰耳曼故其兵馬言李烈兒乃即此史李烈兒蠻之

例猶云李烈兒的蒙古語西語皆有此例觀此則李烈兒又當是波蘭也西書此役在辛丑元史

百兩年為定案元二三軍皆波蘭人四軍亦日耳曼人五軍則亨力希

自統所部戰於勒基逆赤城西南瓦而司達忒之地是年西四月初九日日耳

曼人先進蒙古軍佯敗以誘之既離其後軍遠乃以突騎圍攻眾

盡沒其後四軍先後來援亦敗亨力希中矛墜騎被殺今勒基逆赤等城皆屬德意志

首都而魯斯國將地亨力希之尸在懸首於竿徇其部地割敵耳凡九巨捆勒

近處教堂內其首已為蒙古割去

基逆赤城已爲民自焚而內堡甚固招下不從捨去南至倭特馬

赫城駐軍半月分掠四鄉又至拉低貝爾又西南入不威迷亞國

境今屬廣西困倭耳默次城誘戰不出多桑云蒙古軍見不出戰以爲怯分兵四

夜出攻殺蒙古大將或謂貝達爾此役陣亡同聞其營哭聲也華而甫駁之謂蒙古軍自此入馬

加七日只行二百里且分軍四掠其未遭挫可知又謂此後尙有一軍與貝達爾軍台駐馬加

西北以防日耳曼等國援軍是年西九月間欲渡馬勒希河西距遂東南以應拔都之

軍其地蓋口澤後爲馬加門見地圖拔都之未入馬加也先遣英人往諭降

英人爲本國所逐投入拔都麾下自駐哈力赤以待馬加部長貝拉不願歸

附亦不設備僅遣將士守喀而巴特山隘口伐木塞途以限戎馬

先是奇卜察克酋庫灘率四萬戶來投太宗十一年來投貝拉令改從天主

教乃許入境既如命貝拉自以得眾爲喜而民間主客不和怨其

主招致非族比聞蒙古以納降來攻民乃大譁貝拉不得已下庫

灘於獄辛丑春西三月十二日守隘將逃歸謂蒙古軍斬木開道而入守兵

盡潰貝拉亟下令集兵甫三日游騎已至派斯特城下貝拉欲俟  
援師大集而後出戰天主教士烏孤領以為怯率眾出城軍退逐  
之入於淖然蒙古軍識路徑游行無礙而追者皆客兵無土著且  
環鐵甲身重行滯陷淖中攢射之悉死惟烏孤領逸歸民又大譁  
謂蒙古軍多奇卜察克人不殺庫灘將為內變於是庫灘死於獄  
其部眾散而之布而嘎里亞國馬加東南亦云布而嘎里亞國拔都大軍既入  
馬加破其威蠡城速不台軍亦自東南踰山陟險合於大軍此語西  
因欲合於速不台傳貝拉兵集而出拔都引退過賽育河東色克河者南  
部南河之戰故云匯於杜惱河而賽育河喝拉忒河又合而入色克河兩河合流之  
下游為橋梁通往來時屆夏初喀而巴特山雪融化溪河皆漲大  
軍駐此三面環水有險可阨且林木叢雜蔽敵窺望貝拉追至見  
橋東有守兵不能過乃駐於賽育河西以千人守橋界環車為營



懸盾於上儼如壁壘而設備甚懈且無林木擁蔽舉動瞭然相持數日拔都見敵雖眾可乘下令夜進一軍過橋一軍繞由下游潛渡有被掠俄羅斯人逸入馬加營以敵人乘夜掩襲相告而仍不豫防惟貝拉之弟廓洛曼與烏孤領信其言引軍夜巡至橋西蒙古軍已爭橋亟攻退之增卒守界而歸馬加營中益酣寢以爲無患旣而蒙古軍以礮逐守兵凌晨渡河下游之軍亦渡而成列環圍其營矢下如雨持至午開西南圍使逸而自後馳逐眾旣瓦解或陷泥淖逸者無幾賽育河水盡赤烏孤領死之廓洛曼傷重雖逸而旋卒貝拉以有良騎遁入深林中輾轉以至土拉斯合於其婿波勒司拉弗哀馬加相臣被殺檢其尸王印在焉拔都令馬加降人僞爲貝拉示諭四境居民案堵無恐我雖小挫而求祐於天終必大勝且晉蒙古爲猶犬使人不疑遣降人四出賫諭馬加民

不得戰事確耗既見示皆不遷徙比軍至乃大破俘掠大軍由賽

育河至派斯特下其城速不台傳經哈喇里山攻馬札兒部主法速不台為先鋒與

輕速速不台出奇誘之至那爾河諸王軍於上流水淺馬可涉中復有橋下流水深速不台欲結

夜潛渡繞出敵後未渡諸王先涉河與戰拔都軍爭橋反為所乘沒甲士三十人并亡其麾下將

八哈禿既渡諸王以敵向欲要速不台還徐圖之速不台曰王欲歸自歸我不至禿納河馬茶

城不還也乃馳至馬茶諸王亦至遂拔城而還諸王來會拔都曰那爾河戰時速不台教選殺我

八哈禿速不台曰諸王惟知上流水淺且有橋遂渡而與戰不知我於下流結筏未成今但言我

過當思其故於是拔都亦悟後大會飲以馬乳及葡萄酒言証法時事曰當時所獲速不台力

也案哈喇里山當即喀而巴特山之支峰拔都所經之山隘亦曰哈力赤山以其通哈力赤城哈

力赤屬俄故土人稱名譯義如謂俄羅斯門今著於地圖中庶易考閱哈喇里當是哈力赤之異

譯馬札兒即馬加怯憐即克扯之訛見上拔都此役西人考地紀事歷歷如繪所謂那爾河必是

賽育河何以字音甚差不得其故傳言速不台於橋之下流結筏渡多桑但言他處潛渡華而

甫則謂在橋北上游十餘里外渡河觀地圖自是上游易渡皆在下游則已近色克河水益深渡

益難出奇制勝宜在難處當是元史言是至於既渡而後元史所言與軍情不合恐是收點以歸

功速不台禿納河即杜樹河馬茶城猶言馬札兒城當其派斯特其城固濱杜樹河此外大同小

異元史此節以助詳敘得實就西圖地勢考之誠奇功也華而甫云此戰在是年西四月底由西

國舊藏文卷中得台之中惡在辛丑春

末夏初以上為拔都速不台等軍之事

**合丹一軍由馬加東南馬拉答境內**

**間道**時為馬加部今**踰山入林至魯丹城民兵出禦**時此城為日耳曼人所

傳之捏造耳**軍即退民兵以為怯還城燕樂不登陴不閉城而軍掩至**居於此開闢元夏合台

長驅直下選募日耳曼人勇敢者六百為導破蝸拉丁城俘戮無

算復攻生托麻斯城札納特城不勒克城皆以俘獲者前驅而自

後督攻積尸滿城濠即於尸上仰登軍鋒所及靡不殘破既與古

余克不里撥綽合於拔都大軍駐營休息分遣土人主治各城斂

民賦供軍食按此書云三聖皇帝之役分遣土人主治各城斂民賦供軍食

至憲宗之名則各書皆無或先已還軍或留防後路各書貝達爾拔都台丹三軍所言各

各有證據或分著之餘軍只可從略五路分進之說固見速不台傳也有馬加天主教士洛龍其

自東南境避兵西徙復以賦古所設官長勒索無厭乃入蒙古營為馬加降卒之奴

舊書敘述軍情應歷如繪轉而甫書中載之以下皆其所述較多桑為詳核可信

河取格蘭城無舟不得渡冬水始冰格蘭守兵捶鑿冰凌以阻西

渡兩軍數戰於冰上既而寒甚冰合蒙古軍欲驗堅否牧牛馬於

河干移軍他駐隔岸兵來奪牛馬驅以過河水澤腹堅敵為之驗

於是萬騎齊進所向披靡拔都合丹兩軍皆過杜惱河餘軍仍駐

河東洛龍耳云速不台古余克不里撥綽未渡河在冬至時拔都自攻格蘭遣合丹往追貝拉當貝拉

之迺土拉斯也旋易服西行入奧斯大里亞境遇奧主於泊勒司

貝而克城

時奧尙小在日耳曼列邦內對觀上云名佛來特呂希第二

勸以過杜惱河蒙古軍未必能西

渡復乘危勒取財賄以近奧界三城爲質貝拉至韋敦貝而克城

遇其妻孥偕往南境阿格拉姆城待敵動靜

華而甫云西五月十八日貝拉遣教士注求天主教王援救今

信尙存又西七月有信致德意志合眾國王謂杜惱河東北皆爲蒙古所得冬間恐將入德意志境內伯亦尙存其時德意志王與教士有兵事不暇救馬加索是時德意志共主非今之布魯斯

元初布魯斯猶未立國於今地也德意志爲本國人自稱日耳曼爲英人之稱德意志譯義爲土話因日耳曼人雖用羅馬文字而仍操土音故有是稱德意志即今德國

格蘭至布達

爲馬加故都

不遇貝拉焚城而去迺士度耳外生貝而克城

聞已迺南境進至阿格拉姆則貝拉迺司巴拉土城復迺特勞恩

城旋入地中海島上合丹迺於後所遇城堡皆不攻既至特勞恩

城則貝拉又自海島乘舟北徙駐軍一月乃引而東趨塞而維亞

國耳拉孤薩城

維字讀如弗以合音方合

大掠喀泊城旋奉拔都令東返拔都攻格

蘭立礮三十架毀牆堞而入內堡守將爲日斯巴尼牙人名錫門

設備甚密去而困麻訂耳司貝而克城韋敦貝而克城皆未下分

軍西循奧境直至地中海北維尼斯國界其時地中海北為維尼斯國今屬義大利西人云此分軍皆小陳蓋恐日耳曼等國來攻藉以偵探維字讀如弗以切吳音如此又一軍擾奧境之柯倫貝而克城去奧

而乃斯達特城去奧都旋退云云應主至章而乃斯達特敗蒙古軍獲兵卒

而說之異說紛紜今并從刪然拔都當日意不再向西行固可知也太宗凶問至軍中乃馬真皇后稱制之元

年壬寅春下令全軍東返馬加教士洛尤耳云一千二百四十二年四月拔都得因

十一月次年三四月已赴至馬加急遞不過百數十日其後拔都之鄂爾多在奇卜察克程達行

近天主教王使臣潛開喀批尼云拔都發驛騎往和林四十二日可達元史尤亦傳乃謂去京師

數萬里驛騎急行二百餘日方達真無稽語也又據太宗本紀十二年皇千貴由克西域未下諸

部遣使奏捷十二月詔賁由班師秘史云巴亮自乞卜察差使臣奏古余克不里因筵會時巴亮

先飲迷醫巴亮而散幹歌歹大怒不教拜見因忙執等勸諫乃令巴亮自行處治召古余克拜見

賁訓時語西書則謂定宗歸在太宗崩後格尤耳百馬加軍中諸王內有古余克則先未班師可

知而拔都與定宗不治見西書諸王大會已欲不往見連不台傳不里醉後曾言拔都欲害宗紀

位罪異議者以不里交拔都處死亦見西書不得謂特史無稽互校參觀本紀所謂遣使奏捷蓋

在憲宗拔阿速蔑怯思城之後大軍休息設宴慶功致啟爭詬太宗聞之乃詔皇子班師而詳亦

旋釋雖奉詔而未歸秘史所云定宗拜見等語恐誤或既歸而仍令西征故秘史云你同哈兒哈

孫去只教巴亮斷者則班師常在不得拔都與合丹合軍而東經塞而維亞

云十二年十二月始詔詳考而附註於此

布而噶里亞等國

華而南云布而噶里亞境內未甚殺戮惟鄉間被掠布而噶里亞西時年九歲乞援於東羅馬合兵以逐蒙古初戰敗蒙古兵既而布而噶里

亞人爲拔都擬定東羅馬兵連敗而去

杜惱河諸軍亦向東南以退

洛龍耳云六月內蒙古盡離馬加

拔都至高

喀斯山北駐數月平奇卜察克叛者

多桑云拔都弟桑庫爾留守奇卜察克叛者攻之及是年大軍來征叛者逃而喀斯山之西

連得等助烏達追擊悉平其眾

次年癸卯春拔都至浮而嘎河散遣諸軍整治部地古

余克等先歸奔喪朝議會諸王定君位拔都先與古余克有隙知

六皇后將立其子非有太宗遺詔遂托病足巡延行期屢促之終

不至惟令弟與己子往會

連不台傳太宗崩祭卯諸王大會拔都欲不往連不台曰大王於族屬爲兄安得不往甲辰遂會於也里河丙午

定宗即位西書則謂拔都允往而終不往又教王使臣沿河喀批尼先謁拔都乃往和林計其謁拔都年月在丙午春西七月至和林八月底謁定宗則甫即位與定宗本紀七月即位相合此是

確據既往會必應俟朝會畢乃歸然則允往而究未往西書是也

定宗即位之三年戊申西巡葉密爾河拔

都恐問罪東來迎謁行至阿勒塔克山

阿勒塔克山迤西之山西人謂之阿勒塔克

定宗崩於途

乃不行

詳定宗本紀補異

皇后幹兀立海迷失暫攝國事時察合台早薨宗

王親支以拔都爲長君位應由主議初會於阿勒塔克推戴蒙哥

次年復會於斡難克魯倫兩河發源之地遂奉蒙哥即位是爲憲

宗當時眾議不一覬覦神器者且謀亂定大計弭內變惟拔都是

賴語多別爲紀詳憲宗本紀補異當拔都之自馬加還也俄羅斯北部已無

抗顏行者令諸王來朝受封定宗卽位遣物拉的迷爾王雅洛

斯甫入覲召扯耳尼哥王米海勒至以違令被殺西書謂不肯跪拜雅

洛斯拉甫歸而道卒或謂在和林中毒其事祕論不一別見西使拔

都立其子安得累第一主俄北部歲入貢賦俄南部哈力赤王達

尼爾乘拔都入馬加仍回所部計掖甫等地皆爲所屬拔都歸後

遣使諭降達尼爾先乞援於天主教王教王脅以去東教入西教

乃爲援東教爲今俄羅斯希臘等國之教以出於東羅馬故曰東教亦曰希臘教西教即今英法等國之教達尼爾從之而援不至

復返東教臣服於蒙古歲乙巳自至鄂爾多謁見丁未又來謁拔

都厚禮之使主俄南部納歲入拔都建鄂爾多於浮而嘎河下游

曰薩萊

亦曰昔水不審何義

每歲春沿浮而嘎河東岸北至布而嘎爾之鄂爾

多秋南駐薩萊名曰阿勒泰鄂爾多

義謂金頂之帳設奏圖理琛異域錄奉使所至之土爾其特游牧地即元藩王建牙地今

俄人猶稱其地曰卓羅台鄂爾多

建喀山城於浮而嘎河東岸亦建薩萊於黑

海北撒吉刺之地

撒吉刺見西北地附錄今名已久遼西人惟稱爲克勒姆

使其子撒里荅居之部眾六

十萬蒙古人惟六萬餘多謀速而蠻人克立斯

特人謀速而蠻見西游錄創天方教人克

立斯即天主教人法語曰克立斯堅英曰克立斯片

憲宗二年王子遣阿里布喀

蒙古舊必是阿里布哈

凱達克

克塔

率軍復入波蘭自柳伯林至森地迷爾大掠而歸憲宗六年丙

辰拔都薨年四十八

西一千二百五十六年薨於浮而嘎河濱

拔都嘗乞憲宗買珠銀萬錠帝

與以千錠且諭曰太祖太宗所遺之財若此費用何以給諸王之

賜宜徐審之此銀就充今後歲賜之數

此出元史

然拔都遇人有恩不私

財於已能得眾心皆稱爲賽因汗賽因猶言好也以兄鄂爾達讓

位於已分以東方錫爾河北等地故部人常稱鄂爾達所部爲右



翼而拔都所部爲左翼復以弟昔班從征俄羅斯有功使居鄂爾

達牧地之北以西至烏拉河鄂爾達之鄂爾多色尙白昔班色尙

藍以別於拔都之金鄂爾多其後俄人遂以分三家之後裔

阿卜西

拔都入俄羅斯直至莫斯科俄人聚庫勒爾爾世等部人屯紮備禦戰三月之久昔班請拔都

增其兵以攻敵背拔都允之遲日天曉拔都攻其前戰正酣昔班繞出敵營後踰溝毀其車並聯

車之鍊斫營而入前後夾攻敵兵亡七萬人自此數國皆定案此戰功無可比附或是錫第河倭

利第二王之役以不見他書故附注於此至分地云云亦出阿卜而噶錫他書多有本之者蓋密

世當即提述思厥勒

拔都子可徵者曰撒里荅

見元史表西書稱爲撒里荅

或云杜汗又云庫圖堪哈木耳云拔都子四人三日安

拔都子四人三日安

宗命赴忽力而台譯義謂聚會衆是年本紀帝會諸王有

於欽兒酒哥和之設宴六十餘日賜金帛有差當即此

比至聞父薨憲宗令西歸

嗣位中途亦薨憲宗立其子烏拉赤尙幼令拔都長妃波拉克勤

輔以聽政未數月烏拉赤亦薨

此多桑語然世系表又云拔都子哈木耳則云烏拉赤爲拔都子撒而塔克弟撒里荅或云無子又

或云一子名紺珠與說紛紜皆難考斷憲宗本紀七年以附馬刺真之子乞那爲達魯花赤鎮守

俄羅斯仍賜馬三百羊五千此無徵於西書意者國君屢喪恐屬節有變故特遣親臣出鎮耶又

本紀三年遣必闕別兒哥

或謂烏拉赤亦拔都子烏拉赤既薨拔都弟伯

括幹羅思戶門亦無考

勒克嗣位

多桑世界表又云拔都子  
考諸書云弟者較可信

伯勒克尤亦諸子憲宗即位時與弟脫哈帖木兒將兵衛從有翊

戴功拔都薨後再立君皆旋卒乃以伯勒克主國事憲宗七年丁

巳即位

西二千二百  
五十七年

信天方教常集教士於鄂爾多講論教律教理太

祖後裔入天方教者自伯勒克始遣官查閱俄羅斯戶口

憲宗三年遣  
必闌別兒哥

括幹羅思戶口別兒哥或即伯勒克必闌  
二字不得其解年分亦不相合只可闕疑

計丁出賦

哈木耳云每丁歲輸皮五張一黑狐一  
白熊一黑貂一平常貂一額未免太重

或富戶之丁如是  
或官吏逾額索

城鎮民數及千及萬者設官一人而以八思哈三人

總其事

局思多里傳為八思哈長官即此八思哈為理民事主賦稅之  
官係蒙古舊西書作八思哈克字為語尾音哈喀二音互用

一治蘇斯達耳

一治勒治贊一治謨洛姆

蘇斯達  
耳東南

田畝收穫十取一牛羊馬百取一

教士皆免賦諾拂郭羅特城不服他城亦然幾釀大變俄王阿來

三得知不可抗極力鎮撫其民復自入謁請罪伯勒克拘留之旋

病歿哈力翅王達尼爾逐蒙古官吞併族之地蒙古將忽命薩

赫來征以勢大不進布俞台代將其軍從前從征馬加之指揮諭達尼爾歸順勿

用兵境內而助攻力拖部達尼爾畏威從命使其弟瓦西里克同

往力拖征服其民力拖即遼東志略之方丁族在俄與波蘭之間華而甫云此役在一千二百五十八年為憲宗八年不知確否次年諾垓

云是荒赤子台斡爾之孫帖列布喀伐波蘭達尼爾之子弟復從征降森地米爾以

至克拉克兩城皆見拔都傳憲宗既薨阿里不哥僭稱帝立察合台孫阿魯

忽嗣其祖位以為己助伯勒克附世祖不從叛阿里不哥令阿魯

忽備禦西兵既而自相戰爭復議和而阿魯忽為伯勒克所敗未

幾阿里不哥歸命於朝伯勒克軍亦罷旭烈兀既平報達殺哈里

發屠戮教人無算朮赤後王從征至西域者或以罪誅或瘁病歿

疑為旭烈兀所害伯勒克令諾垓將兵問罪戰於得耳奔特先敗

後勝詳旭烈兀傳埃及王比拔而斯與旭烈兀有兵怨知伯勒克

同教思引為援中統三年冬西一千二百六十二年十一月間發使贈以哈里發家乘

渡黑海以往經東羅馬境先時伯勒克部兵數擾東羅馬故拘留其使不令行比拔而斯再遣使具書請伯勒克勿侵其國東羅馬王見書乃不阻行使者既至伯勒克令其相射里甫哀丁哀福路齊誦其書禮其使而遣歸使人歸述云帳以白毡為之飾以綢緞珠寶汗正坐地旁坐大官數十列坐當埃及使人北行時伯勒克使亦至埃及貽書謂我兄弟四人皆入教願合約以攻旭烈兀比拔而斯優禮款接覆書致幣並可蘭經纏頭布一方由麥喀禮拜堂中取至以伯勒克不能親往禮拜故遣人代行得此以贈至元元年比拔而斯受東羅馬之請復遣書於伯勒克請勿犯其邊界以上由多桑旭烈兀傳中節出蓋多桑本諸埃及史書也旭烈兀薨後阿八哈嗣位至元二年諾垓南侵傷目而退伯勒克率大軍繼至相持於庫耳河伯勒克薨於軍奉柩歸葬於薩萊

拔都補傳終

忙哥帖木兒諸王補傳

元史譯文證補六

兵部左侍郎總理各國事務衙門行走加三級臣洪鈞撰

忙哥帖木兒拔都子托托罕之子母衛拉特氏太祖駙馬朵拉勒

赤之女世祖至元二年伯勒克薨忙哥帖木兒嗣是時海都叛迹

漸著世祖命鐵連爲使往覘且令赴忙哥帖木兒處計事忙哥帖

木兒曰祖宗有訓叛者人得誅之若通好不從奉師以行天罰我

應其外掩襲剿絕不難矣其後忙哥帖木兒果伐海都以其乞和

也兵旋罷且助以軍五萬敗宗王八拉終海都之亂朝廷迄未得

拔都後王之助朮赤七子台幹爾之孫諾垓其父曰塔塔兒自擅於庫爾斯

克莫斯克西南八百八十華里鄂力兒斯克莫斯克西南七百六十華里娶東羅馬王密喀哀兒第八

之私生女私生女說見旭烈兀傳曰哀甫耳西那或曰伊果那助東羅馬輔立布而噶里

亞王台爾脫耳哀司此係西方之布而噶里亞非地理志之不里阿耳敗其兵殺其僭位之王拉

喀那司忙哥帖木兒亦與東羅馬交好三次遣使至康思灘丁諾

白爾都城俄羅斯列邦王互相讒害洛多王此城已廢在莫斯克之東境喝來伯

瓦夕里克委持諧勒治臧王羅曼倭爾格委持忙哥帖木兒拘至

至元十六年殺之不從故被殺哈木耳云因與蒙古地方官不叶故被殺喝來伯

之子亦諧羅曼之子於諾垓至元十五年諾垓引兵擾勒治臧之

地是年阿速叛遣兵往征物拉的米爾王狄迷特里之弟安得雷

從軍此後尺三三軍可南所云俄王有異詞平其亂焚高喀斯山北脫甲柯甫之城今在喀拉

至森地米爾為波蘭分部酋勒賽克所敗十八年忙哥帖木兒薨

同父弟脫脫蒙哥嗣脫脫蒙哥西番字音無甚大異物拉的米爾王狄迷特里之弟安

得雷阿來三德勒委持讒訴其兄之過至元十九年脫脫蒙哥與

以一軍擾物拉的米爾直至諾拂郭羅特狄迷特里逃依諾垓二

十年諾孩仍立狄迷特里主物拉的米爾諾孩與脫脫蒙哥不叶  
招致庫爾斯克鄂力兒斯克王鄂列克來從而鄂列克附於脫脫  
蒙哥諾孩忿擾其境配思克服洛郭爾王士委托司拉弗哀亦不  
附諾孩殺之佔其地以蒙古軍四千人助東羅馬王密喀哀兒平  
北境之亂比軍歸時敗布而噶里亞境內他族至元二十二年脫  
脫蒙哥姪禿拉布哈篡位

元史脫脫之後有伯忽當即其人布哈伯忽字音相近特  
惠在脫脫蒙哥後脫脫前華而甫云圖罕吳子巴而圖之  
二子土拉布哈昆遜克與忙哥帖木兒二子阿力實脫古列兒合窩廢度脫蒙哥而四人公主國  
是案蒙古爭位之事史不絕書四人共位未免可疑阿卜而噶錫世系表脫脫蒙哥之後選接脫  
脫是華而甫之說不為無因因取其篡  
位之說而刪其四人共主國事之說

是年冬大軍入馬札兒直至杜惱河適

雪消水漲道路泥濘敗績而歸次年復入波蘭無城堡之地悉破  
掠軍病疫乃返忙哥帖木兒第五子脫脫率眾入得耳奔特以攻  
宗王阿魯渾軍鋒甚利而國中忌之乃退軍避居他處潛引諾孩  
為助諾孩設宴延禿拉布哈及諸王至

即華而甫  
所云四主

伏兵殺之脫脫即



位時爲至元二十七年諾垓先輔立脫脫繼又不叶諾垓旋卒其

子爭位而戰亦與脫脫戰俄列邦王訴其首邦物拉的米爾王狄

迷特里之過三十一年脫脫遣兵往討狄迷特里避而之諾物哥

羅特

俄史未載惟云是年秋達特里卒其叔彌海勒第二嗣位以上皆本華而市

先是海都篤哇撓亂西道不通白

忙哥帖木兒後諸王自擅於遠不復承奉朝廷海都卒其子察八

兒與篤哇皆歸命脫脫首先效順武宗至大元年六月遣月魯等

十二人使於脫脫

脫脫首先效順據牙忽都傳據都罕後裔首先歸附一語增入遺使則見武宗本紀

仁宗皇慶元年脫

脫斃忙哥帖木兒孫月思別嗣

元史作月思別又作月即別西番稱鄂思伯多其父名土古兒察阿卜而娶錫作脫古列兒赤

是延祐元年三月以襲位來告

此見本紀多桑表嗣位在皇慶元年華而南在元史則延祐元年中以斯當是皇慶二年襲位

年爲延祐元年三月使至元史但據使至之期書之襲位必在前一年不據與元史異詞也

當月思別之將嗣位也諸將領有

異議且以月思別奉天方教爲嫌定計乘飲宴時殺之或於席間

示月思別以日月思別托故離席詢知有變卽覓騎馳去引兵捕

諸將皆伏法

多桑引拉施特語如此又云是時僅十三歲此語可疑附見於注

英宗至治三年二月遣使來

朝十二月又遣齊喇來朝

泰定三年九月泰定帝命權赤等賜月

思別及怯列不賽因三部十二月月思別獻文豹賜金銀鈔幣有

差文宗至順元年三月遣諸王僧格巴勒薩特勒密實邁格分使

月思別及燕只吉台不賽因等所順帝至順元年八月月思別遣

使來朝三年七月遣南忽里等來朝貢初朮赤位下有舊賜平陽

晉州永州分地歲賦中統鈔二千四百錠久未給領京師亦無所

領府治順帝至元二年遣使來求歲賜以振給軍站三年中書省

臣議置總管府印正三品至元五年始頒給焉

以上皆據本紀歲賜則據朮赤傳考正當為順帝至

元非世祖至元

初物拉的米爾王狄迷特里卒立其叔彌海勒第二莫斯科

王優利第三冀得首邦之位脫脫以彌海勒年長當立不允其請

比月思別立優利娶其妹遂糾蒙古將喀瓦惕侵物拉的米爾彌

海勒退於特威亞之地優利追擊之兵敗其妻及蒙古將士多爲

彌海勒所獲知爲貴主禮而遣歸月思別之妹道卒俄市稱其名曰孔察略優利

乃以煽殺貴主來訴月思別怒召彌海勒至數其罪繼祭其誣釋

不治適有高喀斯山之行未卽令歸國優利第三賄結月思別左

右矯命殺彌海勒襲位而受封焉當在延祐五年前其後彌海勒子德彌特

里成立訴父冤月思別召優利第三入朝使與面質優利至德彌

特里一見忿發拔刀殺之月思別以其擅殺論抵而封其弟阿來

克三德爲特威爾王以雪其父之冤當在英宗至治三年其後特威爾民變戕

害蒙古官阿來克三德不能治迨普斯廓甫城月思別遣二破特

威爾召阿來克三德入朝拒命不至月思別命莫斯科王二萬第

一往討阿來克三德復出奔旋來歸請罪時伊萬第一志在兼併

列邦忌阿來克三德之得民不爲己利讒於月思別厯指其叛逆

阿來克三德以是被殺

以上本俄史

俄羅斯西境力拖國浸強盛月思別

不能制延祐五年月思別侵不賽因之境出班來禦乃退

西史

六年月思別薨子札尼別嗣

此據華而南書多桑表謂至正二年西書皆謂都思伯在位有聲札尼別皆作札尼伯克

至正十

三年九月獻撒哈刺察赤兒米昔兒弓刀鎖子甲及青白西馬各

二疋賜鈔二百錠

本紀僅此一見

旭烈兀後王自順帝至元二年後內亂繼

起國土分裂台白利司之民皆避亂北往奇卜察克有天方教士

謁札尼別痛陳劫掠之慘民人之困以同教之誼勸往平亂至正

十五年札尼別兵入阿特而佩占殺亂將阿失阿甫據台白利司

令其子畢兒諦伯克留守而自歸次年旋薨畢兒諦伯克北歸嗣

位未幾亦薨

多桑無年分阿卜而嘆錫謂未滿二年

自此國亦亂諸王爭位自相殘害順帝

末造黑海之北有客勒姆部浮而嘎河濱有喀桑部裏海之北有

阿斯塔斯干部與薩萊城之王爭雄並峙大抵皆北赤子鄂爾達

昔班托喀帖木兒三王之後拔都後裔已絕汗位如弈棋世系莫得而考焉

附考

明洪武十二年薩萊王馬邁與俄國莫斯科王得米特里第四伊

萬諾委特戰於端河東大敗其時駙馬帖木兒雄踞西域助托克

塔迷失

多系云托克塔木兒後

攻滅諸王馬邁遁去爲人所殺洪武十五年托克

塔迷失攻莫斯科下之物拉的米爾勒治臧等城悉被焚掠俄王

奉職朝貢如初托克塔迷失不念帖木兒輔立之德侵奪高喀斯

山迤南地洪武二十七年爲帖木兒所敗東遁烏拉嶺爲族人薩

提伯克殺之薩萊阿斯塔拉干兩地皆被蹂躪蒙古將也列哥輔

立庫特洛克帖木兒族卒復立薩提伯克旋廢之立庫特洛克之

子博拉特伯克永樂八年復圍莫斯科未破城而退諸王乘其兵

入俄境奪其國擾攘不定干戈相尋無虛歲阿斯塔拉干併於薩

萊惟喀桑客勒姆如故客勒姆王與俄最親嘗助俄伐其同宗明

成化十四年薩萊王阿赫邁特伐莫斯科王伊萬第三兩軍陣於

倭喀句烏格拉二河浮而嘎河之支河交綏而退客勒姆王受俄指使滅薩

萊王國亡安治十四年事阿斯塔拉干仍自立國嘉靖三十年俄王伊萬第

四滅喀桑乘勝遂滅阿斯塔拉干隆慶五年客勒姆王以兩部皆

滅爲憾糾土耳其之兵長驅入俄破莫斯科屠殺官民八十餘萬

焚城而去先是烏拉嶺東悉卑爾之地北赤後王建國於求綿城

其建國於錫爾河北濱者號庫程汗見圖理探驛城錄求綿作圖收伊萬第四收撫黑

海喀薩克部用其部人爲將萬曆九年遂滅悉卑爾元後裔之在

西者略盡惟客勒姆部傳國最久土耳其常庇之

國朝乾隆三十六年俄后噶特鄰第二遣將取其地後三年俄土

議和仍返其地四十三年始爲俄所併今惟布哈爾機窪兩部主  
仍爲朮赤子昔班之後然受制於俄徒擁虛位機窪部主曾請於  
俄願得金錢若干遜國避位俄未之許布哈爾部主亦有讓國之  
說二邦易姓亦旦夕間事也

忙哥帖木兒諸王補傳終

原缺卷七卷八

阿八哈補傳

元史譯文證補九

兵部左侍郎總理各國事務衙門行走加三級臣洪鈞撰

阿八哈旭烈兀長子母伊孫欽或曰伊蘇特生於太宗七年西一千二百三十四年三月即

位時三十一歲從父西征躬擐甲冑軍旅之事與有勞焉旭烈兀開藩

西域令轄東境之馬三德蘭義拉克呼拉商三部至元二年旭烈

兀薨阿八哈自東來奔喪西三月九日掌旭烈兀鄂爾多之首領大臣曰

伊而喀以遺命相告既畢葬伊而喀與諸大將蘇袞察克句蘇納

台句阿拔台句台馬庫句辛圖爾疑即旭烈兀傳中辛庫耳阿兒袞阿喀議遵遺

命立新君阿八哈遜讓於弟牙世摩特眾不可復欲俟世祖冊命

眾以道阻期遠君位不可久虛勸進再三乃卽位於察罕淖爾哈馬

丹相近之地察罕謂白蒙古語猶言白湖西六月十九日卽位蒙古卽位之禮羣臣從新君朝日皆解帶置

於項向日九叩首新君入幄登座羣臣朝賀如初禮西書紀太宗定宗憲宗卽位禮皆如



之案元祕史太祖既娶孛兒帖居於不兒吉之地茂兒乞人來侵太祖潛於不而罕山未為所獲向日將繫腰掛於項上帽子掛於手上行九跪禮以馬乳酬奠可知當日蒙古禮儀西域書亦正可據

阿八哈自以未奉天子命不敢遽登座設小坐於下以受朝仍以

射姆沙丁謨罕默德志費尼行尙書事阿兒袞阿喀司財賦弟牙

世摩特轄得而盆脫以至阿拉他克阿而俺弟台克實亦稱帖馬三德

蘭呼拉商二部以伊兒喀之子圖古司蘇袞察克之弟杜丹轄羅

姆以杜而台轄的牙佩亮耳句美索卜塔米牙以希拉們轄角兒

只以蘇袞察克轄報達法而斯阿拉哀丁阿塔瑪里克志費尼副

之定都於台白利司夏駐阿拉他克蒙古昔耶庫波斯語謂黑山在亦冬駐

阿而俺或報達或楚喀圖近魯至元三年諸垓將奇卜察克兵侵至

得而盆脫牙世摩特與戰於阿克索河庫耳河無勝負諸垓傷目而

退阿八哈自至闐奇卜察克王伯勒克親率大軍南來乃退渡庫

耳河撤橋梁以守兩軍隔河相持十五日伯勒克思改道自角兒

只境進兵而病卒軍亦罷阿八哈遂於庫耳河北達蘭淖爾以至

得世庫耳提俺築邊圉使蒙古人木速而蠻人巡守木速而蠻為從天方之人詳西海

國王注是冬東駐哥而占即元史西北地之朱里查在裏海東南角詳朱里查注次年遇其母伊孫欽

哈敦與庫台哈敦庫台二子台克身台古達爾多桑此處又作托克圖爾旭烈兀孫

楚木庫爾子族式喀潑欽助他處又作景桂或作景察自蒙古至分地賦以供眾

哈敦湯沐前王宮女有所出者亦如之埃及王比拔而斯知阿八

哈初嗣位又北有奇卜察克之難不遑遠略以兵攻歐羅巴之謀

復耶蘇墓人西曆一千二百六十六年八月奪西里亞境內濱海數地復侵小阿昧尼亞至

元三年兵入其境西曆一千二百六十六年八月小阿昧尼亞王海屯第一乞援於阿

八哈援未至王子立益已兵敗被擒迨蒙古兵自羅姆至敵已退

海屯與埃及議和贖子歸國旋以年老傳位於立益是時阿八哈

東鄙有警聽其行成察合台曾孫博拉克廢其主謨八里克沙篡

據其位與海都戰既而修好思攘阿母河南呼拉商部以益已封

海都與阿八哈不協亟贊成之

詳海都傳

至元五年冬遣馬素特爲使

麻素

特見旭烈兀傳元祕史作馬思忽惕封爵爲畢故西番稱馬素特尋今新疆回部稱其所以曰比比即畢也

陽謂西域之地本屬公家太

祖四子皆得分其土地陰則探道路窺軍情馬素特既至阿八哈

厚款之贈以太祖御服

廣明是馬掛

出示歲計簿籍明無餘財馬素特既

得簿籍不辭而去其來時沿途留騎以待易馬疾馳追者及諸河

已在舟中矣察合台孫尼古塔爾將兵從旭烈兀西征遂留西域

博拉克貽以箭藏書篋中

書云蒙古人稱爲徒嘎乃之箭案明代茅元儀武備志內載驍祖方官箭信兒曰連兒補兒直音不相符而以箭傳

依則山有之也

約其合應尼古塔爾所部萬人駐角兒只自從阿八哈既見

書歸於已軍阿八哈召之慮事泄不敢至率其部曲欲從得而益

脫出裏海北以歸博拉克爲希拉們所阻戰而敗逃入角兒只希

拉們追及檻致於阿八哈拘禁之誅其將弁馬素特既返博拉克

師起海都助兵令阿赫每特句卜里句匿克貝句牙爾孤皆察合台後人自

忒耳昧城渡阿母河察拔特定宗孫禾忽子西書禾忽作禾庫謨八里克沙即博拉克所屬之至奇卜

察克太宗孫哈丹子元史作合丹自阿母葉城渡河城亦名阿母耳故西域土人稱阿母河亦曰阿母耳河在布魯爾西南二百里葛喀

扯句貝那爾二將自機窪城渡河格喀出名自敏克世拉克渡河

阿母河將入裏海之地博拉克悉括已境之馬備戰騎括民牛取皮製盾先遣使

告布勤八脫吉斯句嘎自尼暨印度河東居中之地皆應屬我祖

察合台速以相讓布勤不允博拉克自渡河進軍阿八哈千戶將

昔扯克圖先隸奇卜察克部下聞舊主至來歸餽馬奇卜察克分

餽博拉克馬博拉克大將札拉兒台謂其自得良馬以劣者贈人

奇卜察克怒札拉兒台亦怒互爭詬幾拔刃相向博拉克陰袒已

將不爲剖曲直奇卜察克夜率已部二千騎北趨阿母河追挽之

不返未幾察拔特亦離去察拔特行至布哈爾爲博拉克之衆王所攻殲盡沒逃至海都處旋卒博拉克屢勝畢

景軍召海拉脫酋射姆沙丁海拉脫來謁許以呼拉商益封毋助  
阿八哈復令籍呼拉商富戶姓名以獻至元七年西一千二百七十八年阿八  
哈自阿特耳佩占起師時正刈麥禁士馬蹂躪世祖使臣梅喀伯  
中途爲博拉克所獲乘間逸脫遇大軍以敵情告軍至庫姆斯見地  
遇布勤敗兵阿八哈至徒思使往議和許割嘎斯尼起兒漫二  
部博拉克將約速耳謂可允將茫孤耳謂軍入敵境宜乘勝進何  
自沮抑阿八哈西鄙多事必未自至謂自至者妄言耳札拉兒台  
亦謂旣欲和何必渡阿母河博拉克乃遣諜三人往探阿八哈至  
否邏者獲之阿八哈令人僞爲急遞諜入營謂北兵已過得而  
益脫卽倉皇傳令拔營而西勿携輜重令人殺諜者而故縱其一  
自駐兵於平壤待戰諜之逸者以所見聞歸報博拉克亟進見惟  
空營遺輜重益信爲實復前行將出山突遇阿八哈大隊阿拔台

將中軍牙世摩特將左翼布勤將右翼起兒漫法而斯羅耳兵皆  
從然博拉克軍仍勇戰牙世摩特左翼爲札拉兒台所敗左翼將  
蘇納台年踰九十見事亟下騎堅坐麾兵再接眾軍益氣奮乃大  
勝博拉克墜馬援他騎而上始得脫潰兵過阿母河不能成列至  
布哈爾僅餘五千人以墜馬受傷乘肩輿入城阿喝昧脫匿克貝  
皆叛去博拉克復集兵三萬與戰殺之使弟亦速爾往告海都海  
都拘之旋引兵自至海都至而博拉克薨時至元七年瓦薩甫云爲人毒死謨拔八來  
克沙等投入海都阿八哈仍留畢景駐守呼拉商自引軍西行至  
低楞遇土人行刺當即木刺失人羅耳酋約索甫沙下馬亟救得免益封羅  
耳旁境及庫昔斯單之地以旌其功是年冬世祖使命至錫以冠  
服冊封爲汗阿八哈至是重行卽位禮奇卜察克王忙哥帖木兒  
亦遣使來賀博拉克旣薨其子伯克帖木兒句篤哇句布里亞句

忽拉洼夷與阿魯忽之二子楚班句基顏合兵攻海都朮阿母河

北地數與海都戰而數敗謨罕默德志費尼告阿八哈彼之爭我

之利也然必有一勝勝者併其眾禍必及我宜先擾其地勿使生

聚乃遣捏克拜巴圖爾句察而杜句阿克貝將一軍渡阿母河而

北約索甫句喀而噶帶二將皆成帖木兒之子楚而喀達夷句伊拉布哈將一

軍自呼拉商循阿母河之西以擾烏爾韃赤器機窪之地至元九

十年間西一千二百七十三捏克拜一軍入布哈爾焚掠七日虜民五萬

以歸楚班基顏率兵來追奪所俘之半阿母河北居民益不聊生

後數年馬索特復來治始復業焉埃及王比拔而斯攻西里亞之

歐洲人即謀復耶蘇基之五十字會人數年兵不解來乞援阿八哈令駐羅姆將薩馬

嘎爾率萬人於至元八年入西里亞前鋒爲貝佳之子阿穆爾至

阿勒坡守兵皆遁冬比拔而斯自丹馬斯克來援蒙古兵退埃及

兵取哈俺城而歸

阿勒城西近俺體約克

次年蒙古兵又奪哈俺毀其城俘其

民當薩馬嘎爾未起師時比拔而斯欲與蒙古行成遣二使見薩

馬嘎爾於昔挖斯城因以謁阿八哈先是忙哥帖木兒屢約埃及

合兵夾攻使人無意中洩其語阿八哈聞之勃然離座越日遣歸

和議不成而兵起至元九年阿八哈遣使至丹馬斯克要比拔而

斯自來議和比拔而斯亦要阿八哈自往以答之是年冬蒙古攻

陞而哀城

哀南拉特河濱

比拔而斯自來援以馬駝負舟舟可分可合既至

哀甫拉特河步卒乘舟騎兵泗水敗守河蒙古兵殺其將

西十二月攻

城之軍乃退至元十一年令阿剌比之貝杜音人

族蘇

往擾蒙古界

至詰拔爾城比拔而斯先與小阿味尼亞立約十年不犯兵

西一千二百六

十八年所立

及第七載責其不遵約納貢多築城堡等事廢前約至元

十二年比拔而斯入小阿味尼亞分兵赴陞而哀牽制蒙古援兵



大俘獲而退是年冬蒙古將阿拔台攻陸而哀以天寒糧乏退兵

羅姆兩王分治始其一相繼而各自立相屋肯額丁開立蚩阿斯

蘭之相爲謨因遏丁蘇立受常稱之曰配而幹迺猶云宰相也

省文稱配而幹迺亦思阿丁開喀而甫司曾通使於埃及配而幹迺發其事

蒙古監治官阿林札克以聞旭烈兀令殺之逃入東羅馬時東羅

馬王與蒙古和好嫁女於旭烈兀雖收納之而拘於別城未久伯

勒克與布而噶耳人擾東羅馬過巴而剛山

今土耳其境光緒五年俄土大戰於此山

入其城

挈亦思阿丁而去伯勒克薨忙哥帖木兒封之於克勒姆之地

北地附錄之撒吉利詳見釋地

屋肯額丁獨主羅姆全境而權歸配而幹迺已如守府

積不能平配而幹迺復賄結蒙古官誣其主謀叛既得命宴其主

於私第以弓弦縊之死

至元四年五年事

立其子結牙達丁甫四歲嗣位至九

年國中貴臣欲背蒙古從埃及與配而幹迺謀配而幹迺亦通埃

及而陽助蒙古洩其謀貴臣多逃入埃及以國中虛實告勸發兵

至元十四年比拔而斯兵至阿勒坡西一千二百七十七年四月初七日分兵赴哀甫拉特

河阻援兵自入羅姆先敗蒙古小隊繼於阿白拉斯丁城遇大軍

凡十一隊隊千人圖古司句倭而洛克圖二府皆伊而路子杜丹統之配而幹

迺亦率兵從蒙古左翼攻其中隊退合於右隊繼而三隊齊奮進

比拔而斯躬冒矢石殺圖倭二將蒙兵是役死者六千七百七十

人埃及兵陣亡亦無算謂能比拔而斯令盡理已軍之亡者以掩其迹因得蒙古兵死數角兒只兵三千亡二千當亦在內遂躡羅

姆收下各城配而幹迺奉其主逃避遣使賀捷比拔而斯令歸治

事以畏蒙古不敢遑應比拔而斯亦畏蒙古不敢久留卽班師羅

姆旁近小部曰喀阿蠻亦畔蒙古冒埃及旗幟以擾羅姆柯尼亞

都城聞阿八哈將至乃退阿八哈得敗信自將起師是年西七月自台白利司起師比

至羅姆則敵已先一月去經阿白拉斯丁城見積尸如山大哭置

配而幹迺不多出兵以助以羅姆人從埃及大殺掠射姆沙丁謨

罕默德志費尼力勸乃止令弟空庫幹台留掌羅姆兵歸經貝布

而堡堡長出謁請容一言許之乃曰汗所仇者埃及今多俘羅姆

民何也阿八哈悟責諸將不善導已盡返所俘旣而問配而幹迺

陰結埃及乃責三罪一戰而逃一軍警至不亟報一敗後不卽來

謁至元十五年戮之於阿拉塔克西一千二百七十八年七月二十三日遣射姆沙丁謨

罕默德志費尼往羅姆整飭庶事比拔而斯自羅姆凱旋至丹馬

斯克病卒西一千二百七十七年六月初八日至三十日卒祕不發喪歸至國都立其子賽夷特

至元十六年秋西八月十七日賽夷特被廢大將賽市額丁開拉溫欲自立

恐眾不服立比拔而斯次子僅七歲遍樹黨與冬乃廢主自立

二月二十七日開拉溫亦奇卜察克人蒙古掠寶而入埃及國有內亂十七年秋西十月十八日蒙古兵破阿勒坡

下其三城大掠而去十八年阿八哈令弟莽孤帖木兒統師角兒

只小阿味尼亞兵皆從與開拉溫戰於哈馬句希姆斯中界埃及

遣人僞降臨陣時刺莽孤帖木兒墜馬主帥受傷軍亂敵兵乘之

遂敗蒙古右軍先已敗埃及左軍追至希姆斯城下駐兵以待後

軍而久不至遣探則中左軍已潰亦亟退埃及兵逐於後軍渡哀

甫拉特河多溺斃有避入沙漠者亦渴餓死阿八哈自率師爲後

援蹙哀甫拉特河濱數堡困陞而哀城未及渡河而前軍敗遂退

大悲憤至元十九年春歸至哈馬丹驟病而薨西四月年四十八歲

在位十七載葬於父墓旁二子長阿魯渾次乞喀都案蒙古語音似或

謂蓋喀圖其兄於宗室世系表則曰亦憐真朶兒只妃八人一爲

東羅馬王密喀哀兒巴里洛克之女旭烈兀與東羅馬通好欲結

爲婚姻西俗一夫惟一婦蒙古多後宮東羅馬王難之而重違其

請乃以私生女瑪里亞非妻所出外遇所生則名許字送婚中道而旭烈

爲私瑪里亞爲耶穌母名

元薨遂歸阿八哈以是厚撫天主教人數與天主教王英法諸國通使命阿八哈治西域興文教科者納昔兒哀丁治法家言通曉人術著有測日儀器厯算等書講輿地學者只馬拉丁牙庫忒講樂學者阿白圖而謨愛明人才稱盛境內亦稱治焉

阿八哈補傳終

阿魯渾補傳

史表阿八哈之下有阿魯必即阿魯渾而無渾字西書稱為阿爾泰照元史人名譯音必是渾字

元史譯文證補十

兵部左侍郎總理各國事務衙門行走加三級臣洪鈞撰

阿魯渾阿八哈長子母海迷失亦哈赤由宮女得幸至元二十一

年台古塔爾既被弑阿魯渾即位

西一千二百八十四年八月十一日

令貝杜轄報達楚世

喀激轄的牙佩壳耳忽拉朮轄羅姆阿宰轄角兒只長子合贊轄

呼拉商馬三德蘭等地以景赤尼佛魯慈輔之任布哈為相累黃

金等其身以酬其功射姆思哀丁阿塔瑪里克志費尼比於前王

懼及禍逃往亦思法杭復入羅耳羅耳酋約索甫沙先奉台古塔

爾之命助兵攻阿魯渾約索甫沙感阿八哈恩遇不欲攻其子未

幾兵亦罷至是往賀即位兼為射姆思哀丁緩頰射姆思哀丁素

與布哈交好意必為援乃白人謁阿魯渾令副布哈治事未幾有

怨者搆之於布哈遂以黨於前王付刑官訊罪處之死

是年西十月名桑云波斯人間

其死竹流涕霍耳郭特則云人收其家產一千亦死貝杜部將亦殺哈耳倫

有才而狡猾故多不滿意者前傳云其弟此又云其子多桑云得有一條其後沙竹俊而導勿雷言於阿魯渾給還其產約索甫沙歸國旋病卒長子額弗

拉西阿白嗣為阿塔畢次子阿黑每特留於朝世祖使命至封阿

魯渾為汗西一千二百八十六年二月二十四日使者名曰郭爾多海亞此多桑說也郭特云是年西九月二十二日使臣為博拉丞相未知孰是案西歷是年為世祖

二十二年玄紀是年十一月命塔又已亡其難使臣見渾似即此事年分相同而月分在後又使者一名亦異不能照合亦封布哈為丞相赦九

死罪阿魯渾乃行即位禮凡敕令必由布哈加印而後行庶事得

專決法而斯有大戶曰法克裏丁哈山有祖遺地產在設喇斯城

為故酋阿卜佩亮耳取以充公乃呈契券於阿魯渾稱願獻納阿

魯渾欲之而非所轄地力不能及既即位乃命往收其地為己私

產布哈謂設喇斯亦國家土壤何必自私阿魯渾不從令圖格察

爾專主其事不屬於布哈遂強占法而斯民田布哈聞之大恚布

哈有治才而性嚴眾將多與不睦徒干有寵於阿魯渾密言其專

權自恣親王大臣奉令惟謹昔時台古塔爾遇之有恩勢位尙微  
一旦倒戈相向振臂一呼從者響應今兵賦大政皆在掌握設有  
異謀易如反掌阿魯渾猶未爲然布哈與他將飲於公宮醉而爭  
鬪阿魯渾不罪爭者布哈益愠稱疾不朝密與楚世喀潑等立約  
廢主兼結角兒只酋爲應至元二十六年楚世喀潑因賀正旦發  
其事以約稿爲證阿魯渾大怒立命土拉戴徒干等捕布哈誅之  
籍其家子四人悉伏法西一千二百八十  
九年正月十七日其弟阿洛克亦被殺角兒只東  
酋迪密脫利爲達鄙忒第四之子以同謀亦死令那林達比特之  
子瓦世當第二兼主東西國事於是角兒只復合爲一阿八哈在  
位時有衰而陞耳大商牙庫白謁世祖而回道卒世祖使人阿釋  
謨特與同行挈其二子以至阿八哈令其長子馬素忒爲毛夕耳  
衰而陞耳守吏阿釋謨特輔之

西書云一千二百七十六年合諸中應爲至元十  
三年世祖本紀至元十年正月詔遣札尤阿押失



察橫均持金十萬兩命何不合市藥子國持金市藥自是商人之事或仰此惟至元十年為西  
一千二百七十三年行役三載未免過遲豈以采藥之故紆緩程途乎抑失寒與阿釋謨字音頗  
近條二名不合然西域人名尤長各執一阿釋謨特先為怨家所害阿魯渾即  
端以為之稱便不相符則又未可遽斷也

位仍令馬素忒居舊職諂事布哈惟命是從因是亦被殺楚世喀

潑之發逆謀阿魯渾始甚德之繼疑其同與立約或恐事洩故先

發事後亦殺之是年西六月尼佛魯慈輔合贊於東方自以與布哈同功

一體恐禍且及已詭言閔兵防阿母河北敵人既離合贊陰聚所

部煽結黨與合贊時駐徒思潛兵劫營而合贊適他往未被獲合

贊聞警又聞忽喇尤與通亟往馬三德蘭擒忽喇尤檻致於阿魯

渾與牙世摩特之子哈拉布哈同死是年西六月是年之春奇卜察克兵

自得而益脫來攻阿魯渾自將往禦行至沙陞耳俺城音明前鋒

將昆竺克巴兒句圖格察爾句土古兒哲已退敵遂還聞尼佛魯

慈之叛恐合贊兵寡令圖格察爾移師助討音合贊先往攻不勝

退而待援比援至貝杜亦帥師至合兵進征尼佛魯慈見不敵卽  
引遁自薩伯自窪城入沙漠繞行東北經巴達克山至突而基斯  
單附於海都合贊不及追以乏糧遣援軍西返自駐你沙不兒海  
都旋令阿都干譯名月思伯克帖木兒譯名將三萬人與尼佛魯慈  
來擾合贊守徙思以眾寡不敵引退於是尼佛魯慈等大擾呼拉  
商之地阿魯渾旣誅布哈以猶太人沙特倭而導勿雷代之先以  
醫伎入侍能蒙古語發阿洛克侵蝕公項罪令赴報達查究得實  
遂掌報達財賦府庫以充至是職如宰相阿魯渾以天方教人不  
足用故特擢任以蒙古官鄂爾多海亞副之譯名又令楚實句庫札  
譯名爲之佐乃定聽訟之法刑官讞斷將領不得阻撓禁擾郵驛  
培植士子養贍耆老咸善政也然蒙古武帥皆不得權滋不悅阿  
魯渾令徒干率兵繼往呼拉商平亂尼佛魯慈旋遁去軍亦返沙

特倭而導勿雷聞徒干凌轢郵吏索馬逾額勘驗得實責徒干杖七十由是怨深阿魯渾信喇嘛言服金石藥冀長生不接見臣下惟所信任數人得入對服藥得病治既痊又服之病遂增劇沙特倭而導勿雷謀於眾赦囚縱罪祈獲天佑而病仍不瘳因釋獄囚乃知牙世摩特忽喇尤之子在獄皆被殺宗親死者已十三人訊由伊荅赤矯命行刑阿魯渾無是意也星者謂此十三人負屈爲祟以致主病於是大將圖格察爾昆竺克巴兒都嘎爾等殺伊荅赤復以不能見君爲忿遂殺鄂爾多海亞楚寶庫札於倭洛克哈敦之鄂爾多阿魯渾正妃兼殺沙特倭而導勿雷多桑云志費尼等貴冑阿魯渾刑司軍出其違君之惡然天方教人不喜猶太人得僧位毀之太過不足爲憑此數人者皆常入內議事阿魯渾不見此數人至知有變病益革至元二十八年春薨於阿而俺病凡五月西一千二百九十二年三月葬於昔嘎斯山阿魯渾喜燒丹鍊汞東方術士趨之如鶩阿魯

渾謂明知此輩意在誑財然葉公好龍真龍乃下將以此爲招也  
黃金可成長生藥可致何爲先者哉在位時埃及一來擾至元二  
十三年埃及騎兵千人自阿勒坡趨麻耳頓直至毛夕耳蒙古兵  
五百出禦傷亡及半埃及兵亦卽退長子合贊次子合兒班荅別  
有傳

霍耳鄂特云有六子其人  
之言不盡可憑故不採入

阿魯渾補傳終